




Պատկեր 3. Ստամբուլի Սուլեյմանիյե գրադարանի Այա Սոֆիայի Հավաքածուի՝ Իբն Բիբի երկի ամբողջական տարբերակի միակ պահպանված թիվ 2985 ձեռագրի 20բ էջը, որտեղ սկսվում է Հայոց արքունիք սելջուկ սուլթանի Հյուրընկալության մասին պատումը:



Պատկեր 4. Ռ. Շուքուրովի կասկածելի վերծանած Իբն Բիբի երկի Հատվածը

ԿԱՐԱՊԵՏ ԵՐԵՒԱՆՑԻ, ՅՈՎՀԱՆՆԷՍ ԱԲԴԱԼ, ԲԱԼԱՍԱՆ,
ԽԱԶԱՏՈՒՐ ԵՒ ԱԶԱՐԻԱ (ԺԳՆԱԻՈՐՆԵՐ)

Մերուժան Կարապետեան

ՆԵՐԱԾՈՒԹԻՒՆ

ժէ. դարի 40-60-ական թուականներին առաջին եւրոպացի Հայագէտ Կղեմէս Գալանոսի կողմից Հիմնուեցին Հայկական վարժարաններ Կ.Պոլսում, ապա՝ Հռոմում եւ ի վերջոյ՝ Լեհաստանում, Լեովում: Այս բոլոր վարժարանները մի շարք պատճառներով կարճատեւ կեանք ունեցան, իսկ աշակերտները՝ յաճախ տարօրինակ ճակատագրեր: Հռոմի Հաւատաստիւժի ժողովի ղեկավարում մեր յայտնաբերած փաստաթղթերը թոյլ է տալիս հետեւելու այդ վարժարանների Հիմնադրման, կենսագործունէութեան, դասաւանդող առարկաներին եւ մեթոդաբանութեանը, աշակերտներին եւն: Վերջին տարիներին առանձին ուսումնասիրութեան նիւթ դարձրինք Գալանոսին աշակերտած անձանց կենսագործունէութեան վերականգնումը մշտապէս յենուելով Հաւատաստիւժի ժողովի ղեկանի նիւթերի յայտնաբերման, դասակարգման եւ մեկ համատեքստում ներկայացնելու վրայ: Ստորեւ ներկայացուում են Կղեմէս Գալանոսի եւ նրա հիմնած վարժարանների հետ այս կամ այն չափով առընչուած եւս հինգ անձանց՝ Կարապետ վրդ. Երեւանցու, Յովհաննէս Աբղաթի, Բա-

լասանի, Խաչատուր եւ Ազարիա ճգնաւորների մասին ղեկանում պահպանուած տեղեկութիւնների քննութիւնը:

1. ԿԱՐԱՊԵՏ ՎՐԴ. ԵՐԵՒԱՆՑԻ (°-1662) ա. Կարապետ Երեւանցի Աղսում (1638-1643).

Կարապետ վրդ. Երեւանցին նախկինում լինելով Պողոս Փիրոմալլու աշակերտներից եւ նրա հետ միասին Երեւանից փախչողներից էր, զգալով Փիլիպոս կաթողիկոսի եւ էջմիածնական կղերականների ատելութիւնն իրենց հանդէպ²:

1638 թ. Կարապետ վարդապետը Պոլսում էր, երբ Պոլսում ստացուեց կաթողիկոսի 1637 թ. Սեպտեմբերի 3-ի գրուած ընդդէմ Փիրոմալլու եւ վերջինս, իր գրելով, ստիպուած էր Պոլսից Հռոմ ապաստանել Ոսկան Երեւանցու եւ Զաքարիա Աղամի հետ միասին³: Փիրոմալլու փախչելուց յետոյ, Կարապետ վարդապետը մնում է Պոլսում, հակառակ նրա որ ուսման պատճառով հետեւում էր իր ուսուցչին:

1641-1642 թթ. Պոլսի պատրիարք դարձաւ Կարապետ վարդապետի եղբայրը, Կիրակոս վարդապետը, որը, երբ վախճանուեց 1642 թ. Յունիսին, եւ դեռ չէր ընտրուել նրա յաջորդը, Գալանոսը 1642 թ. Յուլիսի 18-ին գրում էր Հաւատաստիւժի ժողովի

1 Տե՛ս Մ. Կարապետեան, Յակոբ Գրիգորենց (1639-°), «Հայաստանը եւ արեւելաքրիստոնէական քաղաքակրթութիւնը. Գ»: Եր., 2018, էջ 91-113; Նոյնի, Առաքել արքեպիսկոպոս Երեւանի եւ Առաքել արքեպիսկոպոս Օռորթնիցի, «ՀԱ», 2018, էջ 159-274; Նոյնի, Կ. Պոլսի պատրիարքներ թով-մա Վրդ. Բերիացի (1603-1658) եւ Դաւիթ Բերիացի (°-1679), «ՀԱ», 2019, էջ 297-394; Նոյնի, Զաքարիա Աղամ (1611-1688), «ՀԱ», 2020, էջ 181-

228; Նոյնի, Խաչատուր Գաղատացի Սսի Կաթողիկոս (1606-1674), «ՀԱ», 2021, էջ 275-318
2 Այս մասին աւելի մանրամասն տե՛ս Մ. Կարապետեան, Զաքարիա Աղամ (1611-1688), «ՀԱ», 2020, էջ 184, ծանօթ. 10:
3 Տե՛ս SOCG, vol. 159, f. 171:

նախագահին, թէ հայ եկեղեցականները դիմել են իրեն, որոնց մէջ յատկապէս թէ՛ իր եւ թէ՛ հանգուցեալ Կիրակոս պատրիարքի աշակերտները, Կարապետ վարդապետի եւ նրա հօր՝ Յովհաննէս երէցի գլխաւորութեամբ, խնդրել են որ Պոլսում հաստատեն մի տեսակ վանք, ուր ապրեն կաթողիկէ հաւատքով, Հռոմի պապին ենթակայ, սրբազրելով հայկական ծիսական գրքերը, «ինչ որ ծրագրել էր Կիրակոս պատրիարքը»⁴:

Այս ծրագիրը իրագործելու ժամանակ իսկ չէր մնում, որովհետեւ պատրիարքական աթոռը գրաւուում է եւ սկսում են հալածանքները Հռոմի համակիրների դէմ: 1642 թ. Օգոստոս 24-ին Ֆրանսիական դեսպանի քարտուղար Lempereur-ը մի յանձնարարական նամակ է ուղարկում Հաւատաստիւթի ժողովի քարտուղար Ինկոլիին Կարապետ վարդապետի եւ Յովհաննէս Աբդալի համար, որպէս Կիրակոս պատրիարքի եւ Գալանոսի աշակերտներ, աւելացնելով թէ «երկուսն էլ շատ են ատուած հայերի կողմից»⁵:

Գալանոսն էլ իր հերթին, 1642 թ. Օգոստոսի 25-ին էր գրում Հաւատաստիւթի ժողովին, թէ «աշակերտներիցս երկուսը ուղղուում են Հռոմ, մեծը՝ տէր Կարապետ

կրօնաւորը, ամուրի, հանգուցեալ Կիրակոս պատրիարքի եղբայրը, մինչ եղբայրը ողջ էր՝ ապահով էր զգում, բայց այժմ հալածուած է, մանաւանդ նոր՝ Դաւիթ պատրիարքից...: Խնդրում եմ միջոցներ գտնել, որ ապրի, իր լեզուին հմուտ անձ է, եթէ Հռոմի մէջ սովորի նաեւ Ֆրանսերէն լեզուն՝ կարող է օգտակար լինել ս. ժողովին: Իր հայրն այստեղ ողջ է, յաջորդաբար ուղղում է իրեն էլ Հռոմ կանչել»⁶:

բ. Ընդհանրապէս դէպի Հռոմ

Կարապետ վարդապետը Պոլսից Հռոմ ուղեւորուելիս, ճանապարհին անցնում է Վենետիկով, ուր, ամենայն հաւանականութեամբ Հաւատաստիւթի ժողովի կարգադրութեամբ, իրեն յանձնուած պիտի լինէր հայոց եկեղեցին: Գալանոսը 1643 թ. Ապրիլի 22-ին Պոլսից գրելով Հաւատաստիւթի քարտուղարին, շնորհակալութիւն է յայտնում նման կարգադրութեան համար⁷: Սակայն Կարապետ վարդապետին շուրջ մեկ տարի յետոյ (1643 թ. Սեպտեմբեր-Նոյեմբեր) գտնում ենք Հռոմում, ուր խնդրագիր է ներկայացնում հետեւեալ բովանդակութեամբ. «Պոլսի հանգուցեալ պատրիարքի

(տե՛ս SOCG, vol. 159, f. 177): Յովհաննէս երէցը հազիւ Պոլսի հասած, 1637 թ. Դեկտեմբեր 25-ին գրում է իր հնազանդութեան գիրը Ուրբանոս Ը պապին՝ թէ Փիրոմալիից է սովորել ճշմարտութիւնը եւ թէ «Քրիստոս է զլուխ ամենայն քրիստոնէից եւ ի բաց բարձաք զհայն եւ զֆրանկն... այժմ կատարեալ հնազանդութեամբ հնազանդիմ կաթողիկէ եկեղեցւոյն» (տե՛ս SOCG, vol. 180, f. 300): 1638 թ. Յունուարի 8-ին Փիրոմալիին Պոլսից գրում է Ուրբանոս պապին թէ «ահա ուղարկում եմ Ձերդ սրբութեանը Կիրակոս վարդապետի հօր տէր Յովհաննէսի հնազանդութեան գիրը, ինչպէս անաւ Ոսկան վարդապետին» (տե՛ս SOCG, vol. 159, f. 178): Հաւատաստիւթի ժողովի 1638 թ. Մարտի 22-ի միտինգէն զեկուցում են թէ՛ Փիրոմալիի անամկները եւ թէ՛ Հռոմ ուղարկուած հաւատոյ դաւանութեան գոյգ գործիւնները (տե՛ս Acta, vol. 13, f. 63, n. 35):

7 Տե՛ս SOCG, vol. 168, f. 316:

4 Տե՛ս SOCG, vol. 167, f. 149:

5 Տե՛ս SOCG, vol. 168, f. 178:

6 Տե՛ս SOCG, vol. 168, f. 323: Յովհաննէս երէցը Կիրակոս պատրիարքի եւ Կարապետ վարդապետի հայրն էր: Սրան եւս կարելի է համարել Փիրոմալիու աշակերտ, որ Երեսնից Պոլսի փախչելով, 1637 թ. Դեկտեմբեր 12-ին գրում է Հաւատաստիւթի ժողովի անաւագին. «Երեկ Պոլսի հասաւ Կիրակոսի հայրը, ամուսնացած քահանայ, տարիքով եւ հասուն բարքով, սքանչելի իմացականութեամբ եւ պերճախօս, շատ հմուտ իրեն գրաւելու ամբողջ, այրպէս սկսել էր զանազան քաղաքներում, ինչպէս Բարսումայի մէջ: Սա իր ծախսով իր մօտ կանչեց Ոսկան վարդապետին, որ դրամ չունենալու պատճառով էր գրում էր մնացել եւ կարծում եմ, որ վաղը կամ միւս օրը այստեղ կը հասնի, Իզմիտից ծովային ճանապարհով գնալու համար: Սրանք մեծ նեղութիւն եւ հալածանք կրեցին, որովհետեւ Յունիսի փախան Երեսնից եւ շրջեցին Վրաստանում, ազատուելու համար Երեսնից եկած հրահանգից»

եղբայրը, Կարապետը գիտէ հայերէն, թուրքերէն եւ մի քիչ էլ լատիներէն: Եղբոր մահից յետոյ եկել է Հռոմ միայն ու միայն աստուածաբանական ուսման համար եւ խնդրում է իրեն հոգ տանել»⁸: Այս անթուակիր խնդրագիրը զեկուցուում է Հաւատաստիւթի ժողովի 1644 թ. Դեկտեմբերի 28-ի նիստին եւ տրուում է ժխտական պատասխան. այն է՝ չի կարող մտնել Ուրբանոսի վարժարան 30 տարեկանը լրացած լինելու համար⁹: Բախուելով ժխտական վերաբերմունքի, Կարապետը խնդրում է գոնէ ապրուստի միջոցը հոգալ, որովհետեւ խնդրագրի համաձայն «Փիրոմալիու ձեռքերի մէջ Հռոմին հնազանդութիւն խոստացայ եւ հայ հերձուածողներից հալածուեցի»¹⁰: Շատ հաւանաբար Հաւատաստիւթի ժողովը որոշ դրամական աջակցութիւն ցուցաբերած լինի Կարապետ վարդապետին, որ ձայնն այլեւս չենք լսում 1644-1647 թթ. թուականներին¹¹:

գ. Ուսանողական շրջանը Հռոմում.

Երեք տարի լուսթիւնից յետոյ Կարապետ վարդապետը դարձեալ խնդրագիր է ներկայացնում գրուած մի շեշտով, որ ընթերցողի քիմքին հաճելի լինի եւ դրական պատասխան ստանայ: Յիշում է Երեսնի քաղաքից լինելը եւ թէ Պոլսի Կիրակոս պատրիարքի եղբայրն է, որ ինչպէս ենթադրուում է թուրքաւորուել է հայ հերձուածողների ձեռքով, որոնք ատելութեամբ են լցուած կաթողիկէների հանդէպ: «Տեղեկանալով որ մայրենի լեզուով Հռոմում դասաւանդուում է աստուածաբանութիւն, եկել է խնդրելու ընդունել Ուրբանոսի վարժարան, կամ իրեն ամսական թոշակ սահմանել»¹²:

8 Տե՛ս SOCG, vol. 408, f. 136:
 9 Տե՛ս Acta, vol. 16, f. 206, n. 31:
 10 Տե՛ս SOCG, vol. 407, f. 353:
 11 Կարապետ վարդապետի խնդրագրի կողքին դիւանում հանդիպում ենք մի այլ փաստաթղթի, ուր ասում է թէ Պոլսի պատրիարքի եղբոր (իմա՛ Կարապետի) հետ Հռոմ ուխտի են եկել եւ հայրենիք վերադառնալու դրամը սպասուած լինելով,

Այս անթուական խնդրագիրը ներկայացուում է Հաւատաստիւթի ժողովի 1647 թ. Մարտի 27-ի նիստին, գումարուած Իննուկենտիոս Ժ. պապի ներկայութեամբ, ուր որոշուում է Կարապետ վարդապետին երկու տարուայ համար տրուել վեց սկուզ վճար, որպէսզի Կղեմէս Գալանոսի մօտ հայերէն լեզուով սովորի բարոյական աստուածաբանութիւն¹³: Նոյն օրերին Կղեմէս Գալանոսի դասերին էին յաճախում Յովհաննէս Աբդալն ու Բալասանը. Կարապետ վարդապետը դառնում է երրորդ աշակերտը:

Այս շրջանում, հաւանաբար, դժուարութիւններ են առաջացել Հաւատաքննութեան կողմից Կարապետ վարդապետի պատարագելու հարցի հետ կապուած: Տարակուսանքներ է առաջացրել նրա ձեռնադրութեան վաւերականութեան կամ օրինականութեան հարցը: Հաւատաստիւթի քարտուղարը 1647 թ. Մայիսի 29-ին գրում է Հաւատաքննութեան ժողովին ի պաշտպանութիւն Կարապետ վարդապետի, ասելով թէ հայկական ձեռնադրութեան բնագիրը աւելի մօտ լինելով լատինականին շատ աւելի հարազատ է քան յունական ծէսինը, եւ որով Ուրբանոս Ը. պապի ժամանակ լեհահայոց առաջնորդ 22-ամեայ Նիկոլ Թորոսովիչի ձեռնադրութեան ժամանակ ամենեւին հարցեր չեն առաջացել: Իսկ ներկայ պապի օրօք յանձնարարական գիր եւ իշխանութիւն տրուեց, որ նոյն Նիկոլ արքեպիսկոպոսը հայկական ծէսով ձեռնադրի Ուրբանոսի վարժարանի աշակերտներից Ջաքարիա Աղամին: Այս պատճառաբանութեամբ, Ինկոլին յարմար է տեսնում որ Կարապետը

նպաստ են խնդրում: Այս խնդրագիրը ստորագրողներն են հայ կաթողիկէներ (Armeni cattolici) Thomaso di Gavasit, Temnisis di Murat, Giovanni de Meligian, Artisio di Arachel, Agapiri Cacciatore di Domenico (տե՛ս SOCG, vol. 407, f. 352):
 12 Տե՛ս SOCG, vol. 414, f. 5, 6; vol. 415, f. 300:
 13 Տե՛ս Acta, vol. 17, f. 385, n. 7:

րապետ վարդապետին հրաման տրուի պատարագելու հայերէն լեզուով, Հռոմում սրբագրուած խորհրդատետրի վրայ, ս. Մարիամ Եգիպտացի հայոց եկեղեցում, ուր պատարագել էր Պոլսի հայոց Յովհաննէս Խոնկ պատրիարքը¹⁴ միայն հաւատոյ դաւանութիւն անելով եւ տալով անկանոնութիւնների արձակում¹⁵:

Կարապետ վարդապետին տրուում է ուսանողութեան երկամեայ մի շրջան. մինչ երեք տարի յետոյ ներկայացուած մի խնդրագրից տեղեկանում ենք թէ շուրջ 11 ամիս հիւանդ լինելով, խնդրում է ուսման հրամանագրի եւ թոշակի երկարաձգում, ինչպէս նաեւ Հռոմում ամառուայ շոգերից մաշուած զգեստի ձեռքբերում¹⁶:

Հաւատասփիւռի ժողովից ստացած նոր կարգադրութեամբ Կարապետ վարդապետի ուսանողութեան շրջանն աւարտուում էր 1651 թ. Փետրուար 13-ին: Ինչպէս Հռոմում բնակուող շատ հոգեւորականներ միշտ ջանացել են գտնելու որեւէ օրինակոր տիտղոս՝ Հաւատասփիւռի ժողովից որոշ թոշակ, այնպէս էլ Կարապետ վարդապետը դարձեալ ներկայացնում է խնդրագրեր, պարզաբանելով թէ ուսման ծրագրին ամբողջացնելու համար դեռ կարօտ է 5-6 ամսուայ եւ նոյն խնդրագրի ստորեւ Կղեմէս Գալանոսն էլ յաւելել է հետեւեալ յանձնարարականը. «վեց ամսից աւարտուում է դասընթացը. լաւ յատկութիւններով օժտուած անձ է եւ լիովին յարած հռոմէական աթոռին: Ս. ժողովը կարող է մի օր մեծ օգուտներ ակնկալել նրանից: Կարելի է վեց ամիս էլ երկարաձգել թոշակի վճարումը»¹⁷: Խնդրագրերը գեկուցուում է Հաւատասփիւռի

1651 թ. Ապրիլ 24-ի նիստին, որի արձանագրութիւնների համաձայն, բաւարարում են խնդրանքը, վստահելով Գալանոսի տուած վկայագրին¹⁸:

դ. Կարապետ վարդապետը եւ Սարգիս Մանուկը

Զգիտենք թէ Հայաստանի որ բնակավայրից, սակայն 1645 թուականից ի վեր Հռոմում ենք գտնում Սարգիս անունով մի հայ մանուկ, «որ հայ վաճառականների հետ յարաբերութիւններ չունենալով՝ մոռացել էր մայրենի լեզուն»¹⁹: Հաւատասփիւռի ժողովի 1647 թ. Հոկտեմբերի 14-ի արձանագրութիւնում ընթերցում ենք, թէ դրուել է որբանոց, ամիսը երկու սկուդ վճարով, որպէսզի դաստիարակուի եւ քերականութիւն սովորի: Նոյն նիստին որոշուում է, որ P. Lanvivo-ն բանակցի որբանոցի տեսչի հետ, որպէսզի Սարգիսը միւս որբերի հետ չմասնակցի թաղումներին, իր կրթութեանն աւելի նուիրուելու համար²⁰:

1648 թ. Փետրուար 3-ի նիստին դարձեալ է խօսուում նոյն մանկան մասին, որ սկսել է մոռանալ հայերէն եւ թուրքերէն լեզուները, առաջադիմելով միայն լատիներէնի մէջ եւ որով առաջարկուում է երեք սկուդով մանուկն յանձնել Կարապետ վարդապետին, որպէսզի նրա օգնութեամբ վերջի յիշուած լեզուները, իսկ լատիներէնի ուսումը շարունակի վարժարանում²¹:

Շուրջ երկու տարի Սարգիսը մնում է Կարապետ վարդապետի մօտ, սովորելով հայերէն, թուրքերէն ու լատիներէն: Կարապետ վարդապետը մի առանձին գրութեամբ Հաւատասփիւռի ժողովին ներկայացնում է

կացութիւնը, առաջարկելով որ նրան այսուհետեւ ընդունել. Ուրբանեան վարժարան²²: Հաւատասփիւռի 1649 թ. Դեկտեմբերի 7-ի նիստում որոշուում է բարձրացնել Սարգիսի թոշակը 3,4 սկուդի²³, սակայն նրա անունը այդպէս էլ չենք գտնում Ուրբանեան վարժարանի աշակերտների ցանկում եւ կորցնում ենք նրա հետքերը:

ե. Կարապետ վարդապետը Երեւանի (Մեծ Հայքի եւ Վրաստանի) միսիոներ

Կարապետ վարդապետը, հինգ տարի Կղեմէս Գալանոսի մօտ հայերէն լեզուով աստուածաբանութիւն սովորելուց յետոյ, հետեւեալ խնդրագրին է ներկայացնում Հաւատասփիւռի ժողովին. «Կարապետ վարդապետը... աւարտելով աստուածաբանութեան դասընթացը, պէտք է դառնայ իր հայրենիքը, Մեծ Հայք, Երեւան. խնդրում է որ իրեն այնտեղ ուղարկէք որպէս միսիոներ, նրանց նման որոնք մեծ թուով գտնուում են Վրաստանում: Ուղարկէք իրեն Մեծ Հայքում բնակուող հայերի համար որպէսզի նուիրուի իր ազգակիցներին դարձի բերելու դէպի կաթողիկէ Հաւատքը: Նաեւ խնդրում է զգեստ, քանի որ մնացել է հայրենիքից բերած զգեստներով»: Այս խնդրագրի տակ հարկաւոր լուսաբանութիւններ է դրել նաեւ Կղեմէս Գալանոսը, որպէսզի Կարապետ վարդապետի գրածը ընդունելի լինի. «Խնդրագիր ներկայացնողը եղբայրն է Պոլսի Կիրակոս պատրիարքի, որ Ուրբանոս Ը. պապի օրօք միացաւ հռոմէական եկեղեցուն: Ես իրեն Պոլսից եմ ճանաչում, ու այդ ժամանակից մինչեւ այսօր միշտ ցուցաբերել է մեծ սէր ս. աթոռի հանդէպ եւ իր եղբոր օրինակով՝ հակառակ է հերետիկոսութիւններին: Խնդրելու ու լաւ բարբերով երիտասարդ է, այստեղ միշտ

ինձ է խոստովանել, պատարագելով սրբագրուած բնագրի վրայ: Աստուածաբանական կրթութիւնը հայերէնով աւարտեց շատ մեծ առաջադիմութեամբ, որով յարմար եմ տեսնում որ ս. ժողովի համար միսիոներ դառնայ»²⁴: Հաւատասփիւռի 1651 թ. Յուլիսի 18-ի նիստին վճարուում է որ Կարապետ վարդապետը լինի ս. ժողովի միսիոները թէ՛ Երեւան քաղաքի եւ թէ՛ շրջակայքում գտնուող հայերի համար²⁵:

Իր կատարելիք առաքելութեանը պատաստուելուց յետոյ Կարապետ վարդապետը խնդրում է Հռոմում տպուած մի շարք գրքեր, ոչ թէ մեկ, այլ բազմաթիւ օրինակներ. «որպէսզի դրանք տարածի հայոց մէջ»: Դրա համար ներկայացուել է երկու խնդրագրեր, միմեանցից տարբեր գրացանկերով. այսպէս՝ «Գալանոսի Պատմութեան գրքերից 10 օրինակ, Քերականութիւն՝ 20 օրինակ, Քրիստոնէական մեծ (հայերէն լատիներէն)՝ 10 օրինակ, Քրիստոնէական փոքր՝ 40 օրինակ, Յովհաննէս Մոլինոյի թուրքերէն բառարանից՝ 6, Տոմար Գրիգորեան՝ 6, Թուրքերէն քերականութիւն՝ 6 օրինակներ»²⁶: Նոյն խնդրագրի երկրորդ օրինակում աւելի նուազեցուել են գրքերի թուերը. սակայն Կղեմէս Գալանոսը նոյն թղթի վրայ գրում է Հաւատասփիւռի ժողովին. «ս. ժողովը պէտք է սա յարմար առիթ համարի եւ շնորհի գրքերը, որպէսզի տարածուեն Հայաստանում, մանաւանդ որ նման առիթներ յաճախ չեն պատահում»²⁷: Հաւատասփիւռի ժողովի 1651 թ. Օգոստոսի 28-ի նիստում որոշուում է շնորհել փափագելի գրքերը²⁸: Բայց քանի որ Հռոմի ուղիղ իր առաքելավայրը մեկնելը դժուար էր լինելու, Կարապետ վարդապետը մի համառօտ խնդրագրով գեկուցում է Հաւատասփիւռի ժողովին թէ մինչեւ 1651 թ. Օգոստոսի 12-ը ստացել է ամսական վեց

14 Կ. Պոլսի Յովհաննէս Խոնկ պատրիարքի Հռոմ պատաստանելու պատճառների եւ տուած հաւատոյ դաւանութեան մասին տե՛ս Կարապետեան, Մ. Մ., Հռոմի հայ գաղթօջախի պատմութիւնից.- Պատմա-բանասիրական հանդէս», 1998, № 1-2, էջ 173-174: Նոյն տեղում տե՛ս նաեւ նրա տապանագիրը:
15 Տե՛ս SOCG, vol. 292, f. 447:

16 Տե՛ս Congregazioni Particolari, vol. 6, f. 324-325; f. 342-343:
17 Տե՛ս SOCG, vol. 292, f. 456:
18 Տե՛ս Acta, vol. 20, f. 41, n. 5:
19 Տե՛ս SOCG, vol. 415, f. 138:
20 Տե՛ս Acta, vol. 17, f. 532, n. 16:
21 Տե՛ս Visite e Collegi, vol. 29 (առանց էշարման); Acta, vol. 18, f. 37, n. 4:

22 Տե՛ս SOCG, vol. 361, f. 84:
23 Տե՛ս Acta, vol. 19, f. 290, n. 6:
24 Տե՛ս Congregazioni Particolari, vol. 6, f. 790:
25 Տե՛ս Acta, vol. 20, f. 81, n. 10:

26 Տե՛ս SOCG, vol. 292, f. 278:
27 Տե՛ս SOCG, vol. 292, f. 446:
28 Տե՛ս Acta, vol. 20, f. 99, n. 10:

սկուզ եւ խնդրում է որ թոշակը երկարա-
ձգուի մինչեւ մեկնելը²⁹: 1651 թ. Նոյեմբերի
20-ի Հաւատաստիւթի նիստին որոշուում է
ամսական թոշակը երկարաձգել միայն եր-
կու ամսով³⁰:

Կարապետ վարդապետը առաքելու-
թեան մեկնելուց առաջ մի տհաճ անակնկա-
լի պատճառով բանտարկուում է, որի պատ-
ճառը չգիտենք: Ունենք մի անթուական
խնդրագիր ուղղուած իննովեանտիոս Ժ. պա-
պին, ուր ներկայացնում է իրեն, իբր Կիրա-
կոս պատրիարքի եղբայր, որ Ուրբանոս Ը-
ին հաւատոյ դաւանութեան գիր էր ուղար-
կելու ապա շարունակում է. «Ես որ երկար
տարիներ Հռոմում ապրեցի, աշակերտելով
Ուրբանեան վարժարանում եւ ս. ժողովի
կողմից նշանակուել էի Հայոց միսիոներ եւ
մեկնելու էի առաքելութեան, գերապայծառ
Oreggio-յի գրգռութեամբ բռնուեցի, եւ
բանտարկուեցի, մեծ ամօթ ու նախատինք
կրելով յատկապէս իմ ազգակիցների առաջ:
Սակայն դիմեցի ս. ժողովին եւ փաստաբա-
նի օգնութեամբ անմեղութիւնս ապացու-
ցուեց եւ ազատուեցի»³¹:

Կարապետ վարդապետի բանտարկու-
թեան շարժառիթները յստակեցնելու նպա-
տակով, կարող է որոշ լոյս սփռել Կղեմէս
Գալանոսի մի գրութիւնը ուղղուած Հաւա-
տաստիւթի քարտուղար Massari-ին, ուր
պարզաբանուում է մի հարց կարգինալ
Oreggio-ի մասնակցութեամբ: Գալանոսի
անթուական գրութիւնը հաղորդում է.
«Կարգինալ Ursino-ն ինձ ուղարկեց Պատա-
րագամատոյցը, ստիպելով որ աշակերտ-
ներն այն գործածեն: Ես հնազանդուելով
հրամանին կատարեցի պարտականու-
թիւնս, սակայն աշակերտները իմ կարծա-
ծիցս աւելի յամառ գտնուեցին: Չկիրառե-
լու համար շատ պատճառներ առաջ բերե-
ցին, որոնցից յատկապէս երկուսը՝ թէ այս
բոլորը Mons: Oreggio-յի պարտադրանքով

ու բռնութեամբ է թելադրուած եւ թէ Հայե-
րը իրեն ենթակայ չեն, այլ ս. ժողովին: Ես
պատասխանեցի թէ բռնութեան հարց չկայ,
այլ հեղինակաւոր անձանց քաղցր յորդո-
րանքի եւ ուզում են որ իմ ձեռքով լինի, որ
այնքան տանջուել եմ ձեզ համար: Համո-
զուեցին, բայց կրկին երկու պատճառ բերե-
ցին, ասելով թէ իրենց պատարագը Հռո-
մում վերածուել էր թատրոնի, ծաղրի ու
սուլոյցի: Թէ վերջերս պատարագել են եւ
գայթակղութեան պատճառ դարձել, որով
առիթ են հանդիսացել ուրիշների մահու
չափ մեղանչելու, թէ Հայերէն պատարագել
նշանակում է հռոմէացի տիկիւնների եւ պա-
րոնների տեսարանի պատճառ դառնալ եւ
քառասնորդացի օրերից մինչեւ այսօր երեք
անգամ պատարագել են, մինչդեռ յոյները
տարին մի անգամ են պատարագում: Ես
ցանկանալով իրենց հանդարտեցնել՝ խոս-
տացայ միջնորդել, որպէսզի վերացուի պա-
տարագի զանգակները, որ ծաղրի առարկայ
են: Հաւանեցին, բայց ոչ ամբողջութեամբ:
Իսկ երեկ եկան ասելու որ տեղի չեն տալու,
եւ հրաման պիտի խնդրեն Card. Cappone-
ից հայրենիք վերադառնալու, ասելով թէ
mons. Oreggio-յի սպառնալիքները ահա ի-
րականացան: Այսօր էլ եկան ինձ ասելու թէ
պնդում են Հայաստան վերադառնալը»³²:

Անհաւանական չէ, որ Կարապետ վար-
դապետը կարող էր որեւէ կերպ կապ ունե-
նալ այս միջադէպի եւ նրա հանգուցալուծ-
ման հետ: Սակայն անհնար է պնդել տեղե-
կութիւնների բացակայութեան պատճառով:

գ. Կարապետ վարդապետը իր
առաքելավայրում

Կարապետ վարդապետի առաքելա-
վայր նշանակուած էր Երեւան քաղաքն ու
իր շրջակայքը: Սակայն մտածելով որ այս
վայրում ինքը կարող է անտէր ու առանձին
մնալ, Հռոմից մեկնելուց առաջ խնդրագիր
է ներկայացնում Հաւատաստիւթի ժողովին.

31 Տե՛ս SOCG, vol. 292, f. 419:
32 Տե՛ս SOCG, vol. 292, f. 457:

29 Տե՛ս SOCG, vol. 292, f. 454:
30 Տե՛ս Acta, vol. 20, f. 119, n. 17:

«Տէր Կարապետ Հայ քահանան, որ ս. ժողո-
վի կողմից նշանակուել է Մեծ Հայքի մի-
սիոներ, նկատել է տալիս որ Վրաստանում
գտնուող թէաթինեանների առաքելավայրը
արդէն իսկ տարածուում է մինչեւ Հայաս-
տանի սահմանները, իսկ Տէր Կարապետը,
եթէ Հալածուի՝ ինչը անտարակոյս պիտի
տեղի ունենայ, Մեծ Հայքի կաթողիկոսի եւ
հերձուածող Հայ եպիսկոպոսներից, պիտի
չիմանայ ում օգնութեանը դիմել եւ խոր-
հուրդ հարցնել, խնդրում է իրեն մեծաւոր
նշանակել նոյն թէաթինեան առաքելու-
թեան մեծաւորին, տարածել նրա իշխանու-
թիւնը նաեւ Հայաստանի վրայ, մանաւանդ
որ Վրաստանի գաւառներում եւս մեծ
թուով Հայեր են ապրում»³³: Կարապետ
վարդապետի առաջարկը կէտ առ կէտ ըն-
դունւում է Հաւատաստիւթի ժողովի 1652
թ. Փետրուար 26-ի նիստին, իրեն մեծաւոր
նշանակելով Վրաստանի թէաթինեանների
մեծաւորին, վերջինիս իրաւասութիւնը տա-
րածելով նաեւ Հայաստանի վրայ³⁴:

Մեր ունեցած յաջորդ վկայութիւնը
դա Կարապետ վարդապետի իտալերէն նա-
մակն է, ստորագրուած «Կարապետ արեղա-
ծառայ Գրիստոսի» եւ գրուած Վրաստա-
նից՝ Մինգրելիայից 1654 թ. Մարտի 20-ին,
ուր շնորհակալութիւն յայտնելով Հաւա-
տաստիւթի ժողովին, որ Կղեմէս Գալանոսի
միջոցով իրեն է հասել 1653 թուականի 60
սկուզ թոշակը, խնդրում է նոյնը յաջորդա-
պէս շարունակել: Ապա խօսում է իր առա-
քելութեան մասին, այսինքն՝ «նուիրուել եմ
Հայոց մէջ իմ պաշտօնին, որոնք շատ են եւ
գտնուում են երկու իրարից հեռու վայրե-
րում, որոնցից մեկը ունի մի քահանայ, իսկ
երկրորդը թէեւ ունի, սակայն ամէն կերպ
կախեալ է իրենից եւ ես եմ անում արարո-
ղութիւնները իր եկեղեցում: Դիմացս որեւէ
արգելք չունեմ, դիմացս գործունէութեան

դաշտը լիովին բաց է եւ բոլորը ցանկանում
են ինձ իրենց տանը տեսնել: Շարունակելու
եմ աշխատել առանց առիթը կորցնելու: Տե-
ղի իշխանը շատ սիրով է հետս եւ յուսով եմ
լաւ պտուղներ քաղել. գրածիս կարող են
վկայել թէաթինեանները»³⁵:

Հաւատաստիւթի ժողովի 1657 թ. Մար-
տի 27-ի նիստում Գալանոսի գրչութեամբ
ներկայացուում է մի խնդրագիր Կարապետ
վարդապետի կողմից: Ժողովի արձանագ-
րութիւնում ասուում է. «Ուրբանեան դպրո-
ցի աշակերտ Տէր Կարապետ քահանան, որ
այժմ միսիոներ եւ ժողովրդապետ է Քալա-
քիս (Calachis) քաղաքին³⁶, ուր բնակուում
են Մինգրելիայի Հայերը, որի առաքելու-
թեանը վկայում են թէաթինեանները, ան-
ցեալ տարի աւարտած լինելով թոշակի
հնազանդ շրջանը, խնդրում է որ որոշուումը
վերանորոգուի՝ յաջորդ Հինգ տարուայ հա-
մար եւս»: Ժողովի որոշումն է լինում՝ «Թող
նորոգուի»³⁷:

Սրանով սպառուում են մեր ունեցած
տեղեկութիւնները Կարապետ վարդապետի
մասին: Գիտենք նաեւ, որ 1662 թ. Հոկտեմ-
բերին նա արդէն վախճանուած էր: Հռո-
մում Յակոբ Գրիգորեան Հայ քահանան
1662 թ. Հոկտեմբեր 3-ին ցանկութիւն է
յայտնում Վրաստան գնալու, «ուր միսիո-
ներ էր Կարապետ վարդապետը, որ այժմ
մեռել է»³⁸:

Սրանով սպառուում են մեր տեղեկու-
թիւնները Կարապետ վարդապետ Երեւան-
ցու մասին:

2. ՅՈՎՀԱՆՆԵՍ ԱԲԴԱԼ

ա. Ուսանողական շրջան

Գալանոսը Կ. Պոլսից Հռոմ գալով Ուր-
բանեան վարժարանում չորս աշակերտնե-

33 Տե՛ս SOCG, vol. 292, f. 251:
34 Տե՛ս Acta, vol. 21, f. 15, n. 10:
35 Տե՛ս SOCG, vol. 210, f. 329:

36 Ամենայն հաւանականութեամբ Ակատի ումի Աեր-
կայի Ջուզիդի քաղաքը:
37 Տե՛ս SOCG, vol. 292, f.f 455, 460:
38 Տե՛ս SOCG, vol. 223, f. 133:

րի կատարեց հաւատոյ դաւանութիւն, որոնցից երեքը փոխնիփոխ լքեցին վարժարանը եւ մնաց միայն Յովհաննէս Աբգալը: Գալանոսը, երեւում է, ի սկզբանէ աչք ունէր այս պատանու վրայ ու շատ վաղուց, այն է 1642 թուականի վերջից Պոլսից Հոռոմ էր ուղարկել, մինչեւ ինքը Հոռոմ մեկնեց 1643 թ. Յուլիսին: 1643 թ. Յունուարի 3-ին Վենետիկում թէպէտիեան Antonio Corero-ն գրում է Հաւատասփիւռի ժողովին, թէ «Կղեմէս Գալանոսը Պոլսից ուղարկել է Յովհաննէս հայ պատանուն, որ ունէր Հոռոմին ուղղուած յանձնարարական նամակներ: Սա եւս ընդունէք որպէս յանձնարարական [նամակ]»³⁹:

Հաւատասփիւռի ժողովի դիւանում 1643 թ. Յունուարի 30-ով թուագրուած մի արձանագրութեան մէջ Յովհաննէսի մասին հաղորդում է, թէ նա «սովորել է հայերէն քերականութիւն, տրամաբանութիւն. մի քիչ էլ իտալերէն գիտի, նկարագրով էլ բարի է»: Հաւատասփիւռի ժողովի կողմից որոշուում է մի փոքրիկ գումար յատկացնել, մինչեւ Հայոց համար վարժարան հիմնուի ու մինչ այդ տեղաւորել Հայոց Ս. Մարիամ եգիպտացու հիւրանոցը⁴⁰: Առաջին կիսամեակը (վեց ամսեակը) աւարտելուն պէս Յովհաննէս Աբգալը Հաւատասփիւռի ժողովից խնդրում է եւս վեց ամսով երկարացնել իր 3 սկուզ կազմող ամսականը, որպէսզի կարողանայ շարունակել իր ուսումը⁴¹:

Երբ Գալանոսի աշակերտները թողեցին Ուրբանեան վարժարանը, Յովհաննէսը մենակ մնաց: Ունենք մեկ անթուակիր խնդրագիր, գրուած ամենայն հաւանականութեամբ, 1645 թ. հոկտեմբերին, ուր ասուում է. «Ուրբանեան դպրոցի աշակերտ Յովհաննէս Աբգալ (բնագրում Addal) հայը

արդէն հայերէնով սովորած լինելով կաթողիկէ հաւատքի վերաբերեալ գլխաւոր հարցերը, հրաման է խնդրում, եւս մի տարի նուիրուելու լատիներէնի քերականութեան ուսմանը. ժխտական պատասխանի պարագայում՝ խնդրում է ճանապարհածախս հայրենիք վերադառնալու համար»⁴²: Ամենայն հաւանականութեամբ Յովհաննէսը մնում է Ուրբանեան վարժարանում, լատիներէնը կատարելագործելու համար եւ շուրջ երկու տարի յետոյ Յովհաննէսը նոր խնդրագիր է ներկայացնում Հաւատասփիւռի ժողովին. «երեք տարի եւ հինգ ամիս»⁴³ այստեղ սովորեցի լատիներէն, այնքան որ կարող եմ ազգիս համար օգտակար գրքեր թարգմանել, սակայն ի վիճակի չեմ լատիներէնով փիլիսոփայական եւ աստուածաբանական ուսում կատարել: Հրաման եմ խնդրում, որ հայերէնով կարողանամ սովորել հայոց սխալները, որպէսզի օգտակար լինեմ ազգիս»: Նոյն խնդրագրի լուսանցքում Հաւատասփիւռի քարտուղարութիւնը թելադրանքի ոճով լուծում է առաջարկել. «կարելի է իրեն ամսական վեց սկուզ տալով Պրոպագանդայի վարժարանից դուրս դնել, որպէսզի Հայր Կղեմէս Գալանոսից սովորի փիլիսոփայական ու բարոյական աստուածաբանութիւնները, մեկուկէս կամ առաւելագոյնը երկու տարուց, ինչպէս արեց Ջաքարիա [Աղամի] համար եւ ներկայումս անում է Բալասանի համար»⁴⁴: Հաւատասփիւռի ժողովի 1647 թ. մարտի 27-ի նիստում հաստատուում է քարտուղարի այս թելադրանքը, պայմանով որ այլեւս չգործածի Պրոպագանդայի աշակերտական հագուստը, այլ աշխարհական քահանայի սքեմ հագնի⁴⁵:

խնդրագիրը թուագրելի է 1647 թուականի փետրուար ամսով:
 44 St'u SOCG, vol. 413, f. 266+279:
 45 St'u Congregazione particolari, vol. 9, f. 142, n. 17:

39 St'u SOCG, vol. 38, f. 331:
 40 St'u SOCG, vol. 406, f. 66:
 41 St'u SOCG, vol. 406, f. 163:
 42 St'u SOCG, vol. 409, f. 453:
 43 Ակնարկում է 1643 թ. հոկտեմբեր ամիսը, երբ ընդունուեց Ուրբանեան վարժարան եւ որով այս

1648 թ. մայիսի 13-ին Հաւատասփիւռի ժողովի նիստին հրաման է տրուում, որ Յովհաննէսը ստանայ սուրբ աստիճանները, ներառեալ քահանայական ձեռնադրութիւնը⁴⁶: Նոյն տարուայ օգոստոսին Կղեմէս Գալանոսը գրում է մի ջատագովական նամակ իր աշակերտին, որի ամսականը, Հաւատասփիւռի ժողովի կողմից նուազեցնելու պատճառով, իր բնակութեան վայրը S. Andrea della Valle-ից (թէպէտիեանների մայրատնից) փոխադրել էր Սուրբ Մարիամ եգիպտացու Հայոց հիւրանոցը եւ որ արդէն երկու անգամ հասցրել էր հիւանդանալ: Գալանոսը գրում է. «նկատի ունենալով, որ սա միւս բոլոր հայ աշակերտներից աւելի երկար սովորեց լատիներէն, կարող է մեզ համար թարգմանութիւններ անել, սովորեց նաեւ իտալերէն եւ մեծ չափով օգտուեց աստուածաբանական ուսումից, աստուածավախ հոգի է. նախկինում բազում զոհողութիւնների է գնացել իրեն (իմա՝ Գալանոսի) համար, լաւ կը լինի որ այժմ չնչին պատճառով չկորցնենք իրեն: Ուստի խնդրում է օգնել իրեն դրամական կերպով...»⁴⁷:

Հաւատասփիւռի ժողովը զանազան նիստերով միշտ ընդառաջել է Յովհաննէս Աբգալին, յաճախ դրամական նպաստներով, որպէսզի Գալանոսի մօտ ի վերջոյ աւարտի աստուածաբանական ուսումը: Ընդառաջելով Գալանոսի խնդրանքին 1648 թ. օգոստոսի 14-ի նիստում որոշում է շարունակել վճարել Յովհաննէսի ամսականը եւս հինգ ամիս, այն է մինչեւ 1649 թ. յունուարը⁴⁸: Ժամանակն աւարտուելուն պէս Յովհաննէսը եւս վեց ամսուայ համար նոր կրթաթոշակ է խնդրում, միշտ նոյն պատճառաբանութեամբ՝ աւարտելու համար աստուածաբանական ուսումը⁴⁹: 1649 թ. յու-

46 St'u Congregazione particolari, vol. 9, f. 229, n. 6:
 47 St'u SOCG, vol. 417, f. 509:
 48 St'u Congregazione particolari, vol. 9, f. 248, n. 1:
 49 St'u SOCG, vol. 361, f. 88:
 50 St'u Congregazione particolari, vol. 9, f. 270, n. 7:

նուարի 13-ի Հաւատասփիւռի նիստում ընդունուում է Յովհաննէսի խնդրանքը⁵⁰: 1650 թ. մարտ ամսին Յովհաննէսը դարձեալ ներկայացնում է հին խնդրանքը այս անգամ երեք ամսուայ երկարաձգմամբ⁵¹ եւ այս խնդրանքին եւս տրուում է դրական պատասխան, աջակցելու նրան ամբողջացնելու աստուածաբանական ուսումը⁵²: Յաջորդ դրամական նպաստը Յովհաննէսին յատկացում է Հաւատասփիւռի 1650-թ. մայիսի 31-ի նիստով, վերջինիս քահանայական ձեռնադրութիւնը ստանալուց յետոյ, մինչեւ առաքելութեան մեկնելը, ամսական վեց սկուզ չափով⁵³:

բ. Ձեռնադրութիւնը

1650 թ., երբ մօտենում էր Յովհաննէս Աբգալի քահանայական ձեռնադրութեան ժամկէտը, դժուարութիւններ առաջացան, քանի որ Յովհաննէսը չունէր ծննդեան, մկրտութեան եւ դրոշմուած լինելու մասին վկայականներ: Դարձեալ Կղեմէս Գալանոսն է, որ պաշտպանում է աշակերտին, Հաւատասփիւռի ժողովին տալով հետեւեալ վկայութիւնները. «Յովհաննէս Աբգալը շիկամօրուս երիտասարդը, որ շուրջ 28 տարեկան է, վաւերականօրէն մկրտուած է Հայ քահանայի կողմից, որի մասին պէտք է տարակոյս առաջանայ եւ որով կարող է ստանալ ձեռնադրութիւնը: Բայց քանի որ հայերը մկրտութեան հետ տալիս են նաեւ դրոշմը, չգիտեմ նա ստացել է արդեօք դրոշմը: Հնարաւոր է թէպէտ կերպով մի եպիսկոպոսից կրկին դրոշմուել, թէեւ դրոշմը հական է ձեռնադրութեան ժամանակ»⁵⁴: Երկրորդ վկայականով Գալանոսը շեշտում էր. «խնդրում եմ դժուարութիւններ չյարուցել Յովհաննէսի ձեռնադրութեան առիթով, մկրտութեան վկայականի բացակայութեան

51 St'u Congregazione particolari, vol. 6, f. 394:
 52 St'u Acta, vol. 19, f. 338, n. 17:
 53 St'u Acta, vol. 19, f. 365, n. 375:
 54 St'u SOCG, vol. 292, f. 213:

Համար, որովհետև չի կարելի այն բերել տալ արեւելքից, ուր կատարուած մկրտութիւնները գրի չեն առնուում. ուստի դուք եւս արգելքներ մի յարուցէք ձեռնադրութեան հրամանը տալու համար»⁵⁵:

Քահանայական ձեռնադրութիւնը ստանալուց յետոյ, տէր Յովհաննէսը ապրելու համար պիտի թոշակաւորուէր Հաւատաստափիւռի ժողովի կողմից, ապա նոր միայն պիտի մեկնէր քարոզութեան այնտեղ, ուր նրան կ'ողարկէր Հաւատաստափիւռի ժողովը: Այս գործընթացը եւս խիստ կարգաւորուած ու մենաշնորհուած էր, եւ ցանկացած ձեռնադրեալի չէր տրուում: Դարձեալ միջամտում է Կղեմէս Գալանոսը, Հաւատաստափիւռի ժողովին ներկայացնելով Հետեւեալ վկայագիրը. «Վկայում եմ, Յովհաննէս Աբղալի համար, որ եօթ տարի աշակերտել է Ուրբանեան վարժարանում եւ Կ.Պոլսից սկսեալ լինելով հոգեւոր որդիս, իրեն ճանաչում եմ տաս տարուց ի վեր: Նա օրինական եւ բնական որդին է պոլսեցի Սիմոն Հայի, շուրջ 28 տարեկան, բարի վարքով կաթողիկէ է: Մշտապէս յաճախել է ինձ սուրբ խորհուրդները ընդունելու, ջերմ ցանկութիւն ունի տարածելու կաթողիկէ վարդապետութիւնը իր ազգի մէջ: Գիտի Հայերէն, արաբերէն, թուրքերէն, լատիներէն եւ իտալերէն: Հայերէնով իմ մօտ սովորեց ոչ միայն տրամաբանութիւնը, այլեւ փիլիսոփայութիւնն ու աստուածաբանութիւնը, յատկապէս ս. Թովմա Աքուրնացու առաջին տասնմեկ հարցերը, երանական տեսութիւնը, Աստուծո կամքի, գիտութեան եւ կարողութեան ճառը, Երրորդութեան, մարդեղութեան, հաղորդութեան ճառերը, յաղագս հրեշտակաց, ընդհանուր ս. խորհուրդների եւ այլ բարոյական հարցերը: Ուստի յարմար եմ տեսնում, որ Հաւա-

տաստափիւռի ժողովի կողմից ուղարկուի առաքելութեան»⁵⁶: Այս վկայականը թուագրուած է 1650 թ. յունուար 18-ով:

Նոյն ոգով մի այլ վկայական էլ տուել է Ուրբանեան վարժարանի տեսուչը՝ P. Sebastian-ը, 1650 թ. յունուարի 27-ով թուագրուած, Յովհաննէսի համար վկայելով թէ «շատ բարի յատկութիւններ ունի»⁵⁷:

Տէր Յովհաննէսը պատրաստուած է մեկնելու քարոզութեան ու Հաւատաստափիւռի ժողովից խնդրում է մի շարք գրքեր, որոնց մէջ յատկանշական էին բացի Հռոմէական ժամագրքից, Խորհրդատետրից եւ Մաշտոցից, «Ընդհանուր (իմա՛ տիեզերական) ժողովների պատմութիւնը», որի համար աւելացնում է. «այս վերջինս շատ կարեւոր է, քանի որ հայերն ընդունում են միայն առաջին երեք ժողովները»⁵⁸:

գ. Յովհաննէս Աբղալի առաքելութիւնը Երուսաղէմում եւ Կիլիկիայում

Յովհաննէս Աբղալի առաքելական գործունէութեան պատկերը հետեւեալն է: 1651 թ. մայիսի 25-ին նա գտնուում էր Հալէպում, դէպի Կիլիկիա մեկնելու ճանապարհին⁵⁹: 1651 թ. սեպտեմբերի 6-ին Սալիտայից տեղեկացնում է թէ գնացել է Երուսաղէմ, ծնողների մօտ «հոգալու նրանց հոգիների փրկութիւնը, բացատրելով կաթողիկէ հաւատքը. նրանք որ բարի հոգի ունէին՝ դարձի եկան, չունեցողները՝ մնացին... շատ նեղութիւններ կրեցի կաթողիկէ լինելուս համար, ինձ հալածեցին որպէս Լեւոն [պապի] հետեւորդ»⁶⁰: Հաւատաստափիւռի ժողովի 1653 թ. դեկտեմբերի 16-ի նիստին զեկուցուում է Տէր Յովհաննէսի Երուսաղէմի քարոզիչ լինելու ցանկութիւնը, որին տրուում է բացասական պատասխան իրեն իբրեւ առաքելավայր նշանակուած էր

55 St'u SOCG, vol. 292, f. 442:
56 St'u SOCG, vol. 292, f. 212:
57 St'u SOCG, vol. 292, f. 214:

58 St'u SOCG, vol. 292, f. 228 եւ 448:
59 St'u SOCG, vol. 292, f. 302:
60 St'u SOCG, vol. 292, f. 303:

Հայաստանը⁶¹: 1654 թ. յունուար 13-ի նիստով հրաման է տրուում, որ Տէր Յովհաննէսը Կիլիկիայից փոխադրուում է Հալէպ, քանի որ չէր դիմացել Հայերի յարուցած հալածանքին⁶²: 1656 թ. նոյեմբերի 22-ի Հաւատաստափիւռի ժողովի նիստում ընդունուում է Տէր Յովհաննէսի խնդրանքը յաջորդ հինգ տարիների համար վերանորոգել միսիոներական հրամանագիրը տարեկան 60 սկուդ գումարով⁶³: 1657 թ. սեպտեմբերի 18-ին Յովհաննէս Աբղալը Երուսաղէմից գրում է Հաւատաստափիւռի նոր քարտուղարին, ողջունելով նրա նոր պաշտօնը, խնդրում է վերջինիս իր անձի, գործունէութեան ու գրածների մասին տեղեկութիւնները ստանայ Կղեմէս Գալանոսից⁶⁴:

դ. Հալէպ. Խաչատուր Գաղատացի կաթողիկոսի հետ

Նոյն տարիներին Հալէպում Կիլիկիոյ կաթողիկոսական աթոռ էր բարձրացել Խաչատուր Գ. Գաղատացի (1657-1674) ճանաչուած Մինտէրճի անունով. որ նախկինում, 1642 թ. Կ.Պոլսում յաջորդել էր Կիրակոս պատրիարքին: Երկու պատրիարքներն էլ Պոլսում Կղեմէս Գալանոսի մտերիմներն էին, ակնյայտօրէն որոշակի յարում դրսեւորելով Հռոմի աթոռին: Հալէպում Ֆրանսիական հիւպատոս Պիքէն եւ լատին միսիոներները կրկին յուսադրուեցին եւ սկսեցին ծրագրեր մշակել, որ Խաչատուր կաթողիկոսը կրկին յարի Հռոմի աթոռին եւ իրականանայ եկեղեցիների միութիւնը: Իրենց այս քաղցր երազն իրականութեան վերածելու համար մտածում էին Երուսաղէմից Հալէպ կանչել Տէր Յովհաննէս Աբղալին, որպէսզի նրա ձեռքով Հասնէին իրենց ակնկալած արդիւնքին:

61 St'u Acta, vol. 22, f. 136, n. 2:
62 St'u Acta, vol. 23, f. 7, n. 42:
63 St'u SOCG, vol. 292, f. 503; 507:
64 St'u SOCG, vol. 222, f. 8: Նոյն թղթի վրայ (f. 11) քարտուղարը գրել է հետեւեալ ծանօթութիւնը.

Մեր տրամադրութեան տակ ունենք Տէր Յովհաննէս Աբղալի իտալերէն մի անթուական նամակ, ուր նկարագրում է այս բոլոր մանրամասնութիւնները, որոնց փորձենք անդրադառնալ ստորեւ:

Տէր Յովհաննէսը Հալէպ Հասնելուն պէս, Ֆրանսիական հիւպատոս Պիքէն եւ լատին միսիոներները ստիպում են իրեն ներկայանալ Խաչատուր կաթողիկոսին, քանի որ վերջինիս մէջ բարի ցանկութիւններ էին նկատել: Տէր Յովհաննէսը դեռ Պոլսից ճանաչելով Խաչատուրի բնութիւնը, ակամայ ներկայանում է կաթողիկոսին, որը սիրայօժար ընդունելով նրան, առաջարկում է Համագործակցութիւն եւ նոյնիսկ առաջարկում է փոխել տարագր եւ գործածել վեղարը: Տէր Յովհաննէսը դժուարութիւններ չի հանում եւ ընդունում է առաջարկը, միաժամանակ նշմարելով, որ Խաչատուր կաթողիկոսի այս գործելակերպը զուտ Հազարիտական նպատակներ ունի. այն է [կաթողիկէ ձեւանալով] Ֆրանսիական հիւպատոսից շօշափելի գումար ձեռք բերել եւ ուրիշ ոչինչ: Տէր Յովհաննէսին արգելում է խօսել Հռոմի եկեղեցու մասին կամ ի նպաստ, որպէսզի Հայոց մէջ տարակուսանքներ չարթնանային եւ չծագէր որեւէ խառնակութիւն:

Շուրջ եօթ ամիս Տէր Յովհաննէսը մնում է Խաչատուր կաթողիկոսի մօտ, մանաւանդ որ քաղաքը պաշարուած էր Հասան փաշայի կողմից: Մնում էր առանց խօսելու հաւատքի ճշմարտութիւնների մասին ու Յովհաննէսի մօտ այն համոզումն է առաջանում, որ բոլոր հարցերը (նիւթը) բաւականին հասկանում էր, բայց քաղաքավարօրէն չէր ուզում ի ցոյց դնել թէ պարտուած է, ուստի անընդհատ դժուարութիւններ եւ հարցումներ էր ուղղում, ինչ որ յատուկ է

«Հայր Կղեմէսն ասում է թէ Տէր Յովհաննէսը եղել է թէ Ուրբանեան վարժարանի եւ թէ իր աշակերտը եւ թէ շատ լաւ քահանայ է»:

հրեաներին եւ այլ հերետիկոսներին, որոնք երբ իրենց պատճառաբանութիւններում նեղն են ընկնում, իսկոյն թողնում եւ փոխում են նիւթի թեման: Ճիշտ է, որ ինքը հռոմէական եկեղեցու մոլի հալածողներից է (ես իր հետ Պոլսում աշակերտել եմ մեծարգոյ հայր Կղեմէս Գալանոսին, երբ Քերականութեան եւ տրամաբանութեան դասեր էինք ստանում), բայց ոչ էլ պաշտպան է եւ կամ միութեան համակիր: Սրա պատճառը իր ներկայ կարգավիճակն է եւ կաթողիկոսական արժանապատուութիւնը (*dignità patriarcale*), քանի որ կարող էր առաջացնել յուզումներ ու խառնակութիւն:

Պիքէն եւ միսիոներները ցանկանում են, որ Տէր Յովհաննէսը աւելի համարձակօրէն խօսէր ու քարոզէր հայոց սխալների դէմ եւ իրեն լուր տարածեն թէ եկեղեցիները միացել են եւ նոյն այդ լուրը գրեն քրիստոնեայ աշխարհին եւ Հռոմի սուրբ աթոռին, իբր թէ կաթողիկոսը դարձի էր եկել եւ կատարել էր եկեղեցիների միութիւնը:

Խաչատուրը ցանկանում էր, որ Տէր Յովհաննէսը մնար իր մօտ, որպէսզի հիւպատոսի աչքում եկեղեցիների միութեանը տրամադիր երեւար ու ձեռք բերէր ակնկալած գումարը: Երբ կաթողիկոսը երկար ճանապարհորդութեան համար Յովհաննէսին առաջարկեց իրեն ընկերանալ (ուղեկցել), կրկին մտադիր էր Փրանսիական հիւպատոսին միութեան յոյսեր ներշնչելը: Տէր Յովհաննէսը նախընտրեց չմեկնել ու մնալ քաղաքում: Սակայն Յովհաննէսը լաւ աչքով էր դիտուած հայ ժողովրդի կողմից եւ կաթողիկոսը իրեն ժողովրդի մէջ թողնելով կարող էր ժողովրդին անհաճոյ (տհաճ) բան կատարած լինել. ուստի անում է երկու առաջարկ. Տէր Յովհաննէսը պիտի իր դէմ տհաճ մի բան արած լինէր եւ կամ Փրանսիական դեսպանը իրեն պիտի խնդրէր որ Յովհաննէս մնար ժողովրդի մէջ: Այս կերպ

65 Տե՛ս SOCG, vol. 225, f. 18-19+22-23:
66 Տե՛ս SOCG, vol. 292, f. 507:

կաթողիկոսը պիտի արդարանար ժողովրդի առաջ, իբր Փրանսիական դեսպանի ճմշման տակ էր նման որոշում ընդունուել: Ի վերջոյ, Տէր Յովհաննէսն ապաստանում է հիւպատոսի կեցավայրում եւ հարցը վերջնականապէս փակուում է⁶⁵:

Տէր Յովհաննէսի այս ընդարձակ նամակը լինելով անթուական, դժուար է կուհել այս դիպուածի ժամանակը: Թւում է, թէ սա կարող էր պատահել խաչատուր կաթողիկոսի գահակալութեան առաջին տարիներին, 1657 թ., քանի որ նախորդ տարում Տէր Յովհաննէսը Հաւատաստութեան ժողովին ցանկութիւն էր յայտնել Երուսաղէմից Հալէպ անցնել եւ 1656 թ. նոյեմբերի 22-ի նիստին իրեն դրական պատասխան էին տուել: Անշուշտ, որոշումը կայացնելիս հաշուի էր առնուել Հալէպի Փրանսիական հիւպատոսի եւ տեղի միսիոներների միջամտութիւնը⁶⁶:

Ե. Հալէպ. աստուածային հաղորդակցութիւն
Յաջորդ նամակներից տեղեկանում ենք, որ Տէր Յովհաննէսը դարձեալ դժուարութիւնների մէջ էր յայտնուել, այս անգամ աստուածային հաղորդակցութեան հարցով: Տէր Յովհաննէսը 1659 թ. ապրիլի 18-ին Հալէպից գրում է Հաւատաստութեան ժողովին, շատ համառօտ կերպով ներկայացնելով ունեցած դժուարութիւնները⁶⁷: Անկասկած գրած պիտի լինէր նաեւ իր ուսուցչին՝ Կղեմէս Գալանոսին, որ Տէր Յովհաննէսի կողմից մի խնդրագիր է բանաձեւում, հետեւեալ բովանդակութեամբ. «Հայոց պատարագի ընթացքում յիշատակում են իբրեւ սրբեր անձեր, որոնք սուրբ կոչուելու արժանի չեն (Թէոդորոս թագաւոր, Պարսամ...), տարուայ ընթացքում զանազան անգամներ երգում է մի շարական («Ով հրաշալի») ուր հայհոյում է ս. Լեւոնը եւ Քաղկեդոնի ժողովը: Այսպիսով Տէր Յովհաննէսը հրաման է խնդրում որպէսզի Ֆիզիկապէս ներկայ գտնուի հայոց բարձր

67 Տե՛ս SOCG, vol. 222, f. 42+45:

արարողութիւններին, որպէսզի ձեռք բերելով հայոց վստահութիւնը, շարունակի նրանց առաջնորդել կաթողիկէ հաւատքին: Նոյն նպատակով հրաման է խնդրում նաեւ անապակ գինով պատարագելու, այսինքն առանց ջրախառնութեան»⁶⁸:

Այս հարցի վերաբերեալ Գալանոսը եւս յայտնում է իր անձնական կարծիքը Հաւատաստութեան ժողովին. շատ հաւանաբար նրա ակնարկի վրայ: 1660 թ. մայիսի 9-ին Գալանոս գրում է. «Առաջին կէտի նկատմամբ, եթէ Հաւատաքնութեան ժողովը չմիջամտի եւ չորոշի այս հարցի մասին, որ ունի իր բարդութիւնները, կարելի է պատասխանել թէ Ս. Ժողովը ամբողջապէս տեղեակ չլինելով հարցերին, թոյլ է տալիս Տէր Յովհաննէսին որ ենթարկուի իր խոստովանաճօր խորհրդին: Երկրորդի նկատմամբ. զանազան ծէսերի համաձայն, կարելի է սկզբից, ծածուկ կերպով, բաժակի մէջ ջուր դնել, ինչպէս բոլորին ասում էի [Պոլսում]»⁶⁹:

Հաւատաստութեան ժողովը հարցը քննում է 1660 թ. փետրուարի 28-ի նիստում, որի արձանագրութիւնները տեղեկացնում են. «Տէր Յովհաննէս, որի մասին շատ գովասանքներ կան Հալէպի Փրանսիական դեսպանի կողմից, ասում է կարող է հայ հերձուածողներից աւելի օգուտ ունենալ, եթէ իրեն չարգելուի նրանց հետ հաղորդակցուելը: Հիմա հրաման է խնդրում մտնելու նրանց եկեղեցիները ու հակառակ որ տարին երկու-երեք անգամ երգուում է ս. Լեւոնի եւ Քաղկեդոնի հակառակ, սակայն Տէր Յովհաննէսը խոստանում է այդ պահերին սրտում մտածել ու աղօթել հակառակ կերպով եւ երբ հարցնեն իրեն թէ պատրա՞ստ է բացայայտ կերպով հակառակը խօսել եղածին, հրաման է խնդրում պա-

68 Տե՛ս SOCG, vol. 222, f. 4:
69 Տե՛ս SOCG, vol. 222, f. 43:

տարագելու առանց ջրի»: Ժողովի մասնակիցների որոշումը լինում է «Ո՛չ երկուսի էլ նկատմամբ»⁷⁰:

գ. Նոր դժուարութիւններ Հալէպում
Հաւատաստութեան ժողովի 1662 թ. յուլիսի 17-ի նիստի արձանագրութեան⁷¹ վկայութեամբ գեկուցուել են հարցեր, որոնք վերաբերում են Յովհաննէս Աբդալին: Դրանց ամփոփումը հետեւեալն է. «Հալէպի լատին կրօնաւորներ զոյգ մեծաւորները, այն է վերաւորների Սեղբեստրոս ս. Անանիայի եւ կարմեղեանների մեծաւոր Յովհաննէս-Պետրոս մօրն Աստուծոյ, գրում են Հաւատաստութեան ժողովին թէ Հալէպում մի շարք հերետիկոս հայ քահանաներ չհանդուրժելով կաթողիկէ հաւատքի ծաւալումը եւ կատարուած դարձերը, տեղի փաշային են մատնում Տէր Յովհաննէս Աբդալին, իբր Փրանկ դարձած եւ ուրիշներին եւս լատինացնող, որոնցից 200 հոգու անցկացրել է Եւրոպա: Յովհաննէս Աբդալը, — համաձայն վերոյիշեալ վկայութեան, — դրում է բանտ, յանձնուում է Հաւատքն ուրացած մի հայի, որ երեք օր շարունակ չարհարում է իրեն: Հայերը, քաջալերուած սրանից, լուրեր են տարածում թէ Տէր Յովհաննէսը պիտի կախուի կարմեղեանների եկեղեցու ճակատին, բոլոր դարձի եկածները պէտք է բանադրուեն ու ունեզրկուեն ու լատին միսիոներների մուտքը քրիստոնեաների տները պէտք է արգելել: Հայերին ձայնակցում են նաեւ հերետիկոս ասորիները:

Կաթողիկէները մատնում են դժուարութեան եւ թէեւ հիւպատոսը աշխատում է այս դժբախտութիւնների առաջն առնել, հակառակ որ նոյնիսկ պարտքով փող է վերցնում եւ գործածում է այս նպատակով, սակայն հայերը փաշային 600 ոսկի էին տուել եւ խոստացել էին աւելին տալ, եթէ

70 Տե՛ս Acta, vol. 29, f. 69, n. 41:
71 Տե՛ս Acta, vol. 31, f. 161, n. 22:

Երուսաղէմից Հասնէր իրենց եպիսկոպոսը⁷², որ խորամանկ էր եւ հարուստ ու ինքն էր այս հալածանքի կազմակերպիչը:

Նոյն օրերին Հաւատասփիւռի ժողովը Հալէպի Ֆրանսիական հիւպատոսին է ուղարկում 1200 սկուզ, Պարսկաստանի կարմեղեաններին փոխանցելու համար⁷³: Հիւպատոսը, որ ամենայն հաւանականութեամբ համարելով, որ ճիշտ է կռահում կարգինալների միտքը, մտածում է այդ գումարով ծայրայեղ մի վտանգի առաջն առնել, վախ կար որ մեկ վայրկեանում կարող էր յօդս ցնդել տարիների աշխատանքը: Ձեռք ընկած գումարով նա յաջողում է ոչ միայն բանտից ազատել Տէր Յովհաննէսին, այլեւ փաշայի հրահանգով ստանում է «վարդապետ» տիտղոսը: Տէր Յովհաննէսը վերադառնում է նախկին պաշտօնին, համարձակորէն քարոզելով հայերին կաթողիկէ եկեղեցում...: Տեսնելով այս բոլորը հերետիկոս հայերը ամօթահար եղան, կաթողիկէները համարձակութիւն ձեռք բերեցին, իսկ նրանք որ վախից թաքնուել էին՝ համարձակորէն դուրս ելան:

Հիւպատոսը վախենալով, որ փաշայի փոփոխութիւնից հայերը կարող են նոր խռովութիւններ յարուցել, Պոլիս Մեծ Դրան եւ Պատրիարքի մօտ մարդ ուղարկեց, Տէր Յովհաննէսի հաստատման համար եւ

երկու հայ քահանաներից մեկին եպիսկոպոս ձեռնադրելու համար, որ հաւատքի դաւանութիւն էր տուել:

Հաւատասփիւռի ժողովի այս նիստի արձանագրութիւնները աւարտուում են քարտուղարի խորհրդածութեամբ, թէ Տէր Յովհաննէս Աբդալը վախկոտ մեկը լինելով, նախկինում հիւպատոս Picquet-ն իր թեւի տակ վերցնելով քաջալերել էր, որից յետոյ նա արիութեամբ էր գործել: Այս բոլորը հաստատում է նաեւ Հելիոպոլսի եպիսկոպոս mons. Pallu-ն, որ Հալէպից Չինաստան ուղեւորուելիս տեսել եւ գրել էր ս. ժողովիս»⁷⁴:

Այս բոլոր դէպքերը պէտք է պատահած լինեն 1660-1661 թուականներին, երբ Պիքէն Հալէպի հիւպատոսն էր եւ ձեռնադրուելով Հելիոպոլսի եպիսկոպոս, իր փոխարէն հիւպատոս է նշանակուում Baron-ը, որ Տէր Յովհաննէսի համակիրներից էր: 1662 թ. օգոստոսի 7-ի Հաւատասփիւռի ժողովի նիստի արձանագրութիւնները շարունակում են վերեւում ականարկուած պատմութեան նիւթը. փորձենք մէջբերել ամբողջութեամբ.

«Հելիոպոլսի եպիսկոպոս Francesco [Picquet]-ը (1662?) ապրիլի 22-ի իր նամակով, որ ստորագրել են Հալէպի Ֆրանսիական հիւպատոսն ու այլ միսիոներներ, վկայում են, որ ճիշտ են Յովհաննէս Աբդալի

մասին գրուածները, թէ ինչքան քաջաց հերձուածողները եւ որ հիմա համարձակորէն քարոզում է հաւատքը: Հայերը, նրան հակառակ, Պոլսի պատրիարքից նամակ են բերել, սպառնալիքներով նամակ է եկել նաեւ Երուսաղէմի պատրիարքից, պապին հակառակ նզովելով կաթողիկէ հայերը:

Համաձայն Հելիոպոլսի եպիսկոպոսին, քանի որ Տէր Յովհաննէսը վախկոտ էր, նրա փոխարէն պէտք էր նշանակել մի եպիսկոպոսի, ինչը կարելի էր ձեռք բերել դրամով Պոլսի արքունիքի եւ փաշայի միջոցով. սա է միակ ճանապարհը կաթողիկէութիւնը տարածելու:

Ֆրանսիական հիւպատոսը (1660?) մայիսի 7-ին գրում է, որ հալածանքի ժամանակ բացայայտուեց Տէր Յովհաննէս Աբդալի երկչոտ նկարագիրը, անկարող պաշտպանելու կաթողիկէ հաւատքը, ուստի Հալէպի համար օգտակար տարր չլինելով, յոյսեր ներշնչելով պէտք է Հոռոմ կանչել, Հալէպից էլ չափազանցուած գովասանական նամակներ ձեռքը տալով, որպէսզի Հոռոմում մնայ եւ կամ, ուղարկուի այնպիսի մի ապահով տեղ, որ չվնասի: Սակայն այս բոլորը պիտի անել մեծ գաղտնապահութեամբ:

Ֆրանսիական հիւպատոսը թուարկում է հետեւեալ պատճառները.

ա. Տէր Յովհաննէսը նկարագրով ոչ միայն երկչոտ է, ճղճիմ եւ անդէմ, այլ նաեւ սիրում է իր հանգիստը, անհոգութիւն դրսեւորելով հոգիների բարիքին.

բ. Սէր է ցուցաբերում հերետիկոսների նկատմամբ, առանց նրանց նզովելու.

գ. Ամէն անգամ արդարացնում է հերետիկոսներին, հէնց խօսք է գնում նրանց սխալների մասին.

դ. Բանտարկուած օրերին իրեն ցուցաբերուեց ամեն տեսակ օգնութիւն, իսկ ինքը վախից դրդուած նոյնիսկ սպառնաց թէ

պատրաստ է համագործակցելու թուրքերի հետ ընդդէմ միսիոներներին:

Ի հաստատութիւն ասուածի, Ֆրանսիական հիւպատոսը ուղարկել է Յովհաննէս Աբդալի ապրիլին գրած զոյգ նամակները, մեկը հիւպատոսին, միւսը՝ միսիոներներին, ուր նա արդարացնում է իրեն, մեղադրելով դիմացիներին, միաժամանակ թուրքերի հետ համագործակցելու սպառնալիքով:

Հաւատասփիւռի ժողովի այս արձանագրութեան աւարտին, Հաւատասփիւռի քարտուղարը խօսքն ուղղելով ժողովական կարգինալներին, մեզ է հաղորդում ժամանակագրական տեղեկութիւններ. «Տէր Յովհաննէս Աբդալը հասել է Հոռոմ եւ խնդրում է դրամական նպաստ ապրելու համար: Երբ հարցրի Հալէպում պատահած դէպքերի մասին, արդարօրէն պարզաբանեց թէ նոր հիւպատոսը չի ցանկանում որ որեւէ մեկը իրեն հակառակուի ու երբ ես համարձակուեցի, անմիջապէս մտածեց ինձ քաղաքից հեռացնելու մասին եւ թէ այս դէպքերը պիտի չպատահէին, եթէ մնար Պիքէն, որ խոհեմ էր եւ վարմունք ունէր: Նոր հիւպատոսի մասին գանգատներ կան նաեւ Հալէպի միսիոներներից: Իրաւ է, որ նոր հիւպատոսի առաջարկը Տէր Յովհաննէսին բռնի կերպով Հոռոմում պահելու՝ մարդավայել չէ, ոչ էլ պատուաբեր Հաւատասփիւռի համար»⁷⁵:

Պատմական ճշգրտութեան համար յիշենք, որ Տէր Յովհաննէսը Հալէպում եղած ժամանակ հաւանաբար յարաբերութիւններ էր հաստատել քաղաքի Դաւիթ եպիսկոպոս կարակառեցու հետ, որ 1661 թ. մայիսի 14-ին զղջման մի գիր ունի գրած եւ ուղղուած Աղեքսանդր է. պապին, ու նամակի մէջ յիշում է իրեն այս խօսքերով. «... կամելով այսօր ուղղել զամենայն անկարգութիւն գամ առ քեզ սրբագոյն փափ, առ ի հերքել զամենայն հերձուածողութիւնս եւ զկարծիս հակառակ սուրբ Աթոռոյն Հոռոմայ. եւ

72 Եղիազար Այնթապցի⁶:
73 Հոռոմի կարմեղեանների գործակալը մի յուշագիր է յանձնում ՀՍ-ի ժողովին հետեւեալ բովանդակութեամբ. «անցեալ տարի կարմեղեանների ընդհանրական գործակալը Հալէպի կարմեղեան փոխմեծաւոր P. Fr. Bruno si S. Juan-ին ուղարկեց 1700 սկուզ, որպէսզի հասցնի Պարսկաստանի եւ Հնդկաստանի առաքելութիւններին: Սակայն Հալէպի ֆրանսիական հիւպատոս Baron-ը, յարմար տեսաւ որ այս գումարից 1200-ը ծախսուի Հալէպում, որովհետեւ հայ հերետիկոսները հալածանքներ էին հարուցել կաթողիկէների դէմ եւ ինքն այդ գումարը գործածել է, որպէսզի տարիների աշխատանքը իզուր չկորչի: Այսպիսով,

խնդրում ենք որ այդ գումարը ՀՍ-ի ժողովի կողմից վերադարձուի, որպէսզի յատկացնենք մեր առաքելութիւններին» (Տե՛ս SOCG, vol. 225, f. 68):
74 Այս ընդարձակ գրութիւնը տե՛ս SOCG, vol. 225, f. 69: Նոյնի համապատասխանութիւնը ՀՍ-ի միստի համար տե՛ս Acta, vol. 31, f. 161, n. 22: Ֆրանսուա Պալլու (1625-1684), 1658 թ. յուլիսից կոչուած Հելիոպոլսի եպիսկոպոս եւ առաքելական վիքար, Չինաստան ուղեւորուելիս եւ վերադառնալիս երկու անգամ եղաւ Հալէպում (տե՛ս Hussein I. El-Mudarris & Olivier Salmon, *Le Consulat de France à Alep au XVIIe siècle. Journal de Louis Gédoyen, Vie de François Picquet, Mémoires de Laurent d'Arvieux*. 2009, pp. 147, f. 40):

75 Տե՛ս Acta, vol. 31, f. 204, n. 23:

զի որպէս աստ արարի զհերքումն ի տեսա- կի, ի ձեռս առաքելոցն քոց, պատրի Պոռնի գառմէլիդան ըզգալցին եւ Տէր Յովհաննէս Ապտալին, որ է հայ ազգաւ եւ աշակերտ պատուելի գօլլէճին, որ Բուօբականտա Ֆի- տէ կոչի...»⁷⁶:

Այս կերպով սպառուում են մեր տեղե- կութիւնները Տէր Յովհաննէս Աբգալի Ա- րեւելքում տասնամեայ առաքելութեան մասին եւ սկսուում է վերջին շրջանը:

Է. Տէր Յովհաննէս Աբգալի Հոռոմում

1662 թ. Տէր Յովհաննէսը Հոռոմում էր առանց որեւէ պատասխանատուութեան: Կղեմէս Գալանոսը միշտ բարձր համարում ունենալով իր աշակերտի վրայ ու Տէր Յով- հաննէսի Հալէպում եղած ժամանակ, երբ հարց է առաջանում լեհահայոց նիկոլ ե- պիսկոպոս Թորոսովիչի փոխարինութեան մասին, 1660 թ. սեպտեմբեր 6-ի գրած մի յուշագրում Հաւատաստութեան ժողովին ա- ռաջարկում է Տէր Յովհաննէս Աբգալի թեկ- նածութիւնը, որ հասուն է, տեղեակ է հա- յերէն ու լատիններէն լեզուներին, իսկ եպիս- կոպոսական ձեռնադրութեան համար, ա- ռաջարկում է ձեռնադրել չորս կաթողիկոս- ներից Սսի կաթողիկոսի կողմից, մանա- ւանդ որ անցեալում սա առաջարկել էր Տէր Յովհաննէսին, բայց նա վերջինիս կաթողի- կէ չհամարելով՝ հրաժարուել էր նրանից ընդունել ձեռնադրութիւնը, առանց պա- պական թոյլտուութեան⁷⁷:

Կղեմէս Գալանոսը Լեհաստան տեղա- փոխուելուց յետոյ էլ հետամուտ էր, որ Տէր Յովհաննէսը անցնի իր մօտ իբր օգտակար անձ, տէր Բարսեղ էրզրումցու եւ Տէր Զա- քարի Աղամի հետ: Երբ Հաւատաստութեան ժողովի 1665 թ. յուլիսի 13-ի նիստին Տէր Յովհաննէսին առաջարկուում է Լեհաստանի

առաքելութիւնը, բացայայտ կերպով մեր- ժում է գործադրութիւնը, քանի որ Հոռոմում ձեռնարկել էր 3.000 սկուդի մի գործու- նէութիւն ու չէր կարող հեռանալ քաղա- քից: Եւ որովհետեւ Տէր Յովհաննէսը Հաւատաստութեան ժողովից ստանում էր ամ- սական 6 սկուդ, որոշուում է դադարեցնել ամսականի վճարումը⁷⁸:

Այնուհետեւ տարիներ շարունակ մեր տեղեկութիւնները սպառուում են Տէր Յով- հաննէս Աբգալի մասին: 1669 թ. երբ Լիվոռ- նոյում ծագել էր ազգային խռովութիւն, Տէր Բարսեղ եւ Տէր Յովհաննէս Հոլովի ներկա- յութիւնից եւ գործունէութիւնից, Ֆիրենցէի դուքսը հրամայական կերպով նրանց ստի- պեց հեռանալ քաղաքից: Ֆիրենցէի առա- քելական նուիրակը 1669 թ. ապրիլի 23-ին գրելով Հաւատաստութեան ժողովի կարգինալ- ներին խնդրում է նրանց փոխարէն քաղաք գործողել փորձառու անձանց, որոնց շար- քին յիշատակում է նաեւ Տէր Յովհաննէս Աբգալի անունը, որպէս փորձուած ու բարե- պաշտ անձնաւորութիւն⁷⁹:

Հաւատաստութեան ժողովի քարտուղա- րը, որ նաեւ անձնական նամակ էր ստացել նոյն նուիրակից (1669 թ. մայիսի 2-ով թուագրուած) մի յատուկ գրութեամբ Հաւատաստութեան կարգինալների ժողովին պարզաբանում է խնդիրը, ներկայացնելով Տէր Յովհաննէսի անցեալ ամբողջ կեանքն ու պատմութիւնը, բոլոր մանրամասնու- թիւններով⁸⁰: Ժողովի պատասխանը հաւա- նաբար եղել է մերժողական, քանի որ Տէր Յովհաննէս Աբգալին դրանից յետոյ էլ տեսնում ենք Հոռոմում:

Յովհաննէս Աբգալի մասին վերջին վա- ւերական փաստաթուղթը որ ունենք, գրուած է 1669 թ. յուլիսի 20-ին: Դա մի

76 St' u SOCG, vol. 225, f. 50-51; 77 St' u SOCG, vol. 221, f. 1: Այս նոյն հարցը զեկու- ցուել է ՀՄ-ի 1660 թ. սեպտեմբերի 6-ի նիստին, սակայն ոչ մի որոշում չի կայացուել (տե՛ս Acta, vol. 29, f. 235, n. 25):

78 St' u Acta, vol. 34, f. 150, n. 24: 79 St' u SC Armeni, vol. 1, ff. 228-232; 234-235: 80 St' u SC Armeni, vol. 1, f. 243-244:

խնդրագիր է, ուր ասուում է. «Տէր Յովհան- նէս Աբգալ հայ քահանան, որ մի քանի տա- րի ծառայել է Սիրիայի առաքելութեան մէջ, ներկայումս բազում նեղութիւնների մէջ գտնուելով, ցանկանում է հայրենիք վերա- դառնալ: Այս պատճառով կարգինալներից խնդրում է յանձնարարական նամակներ ուղղուած տեղի միսիոներներին, ետարձին իրեն վերադարձնեն այնտեղ թողած ապ- րանքները, այսինքն մեկ սնդուկ գիրք ու գրութիւններ թողնուած Հալէպի կարմե- դեանների մօտ, այլ առարկաներ վեղարա- ւորների մօտ եւ Սիրոնի նաւահանգստի ծովայինների մօտ էլ երեք սնդուկ գիրք»⁸¹:

Սրանով սպառուում են մեր տեղեկու- թիւնները Յովհաննէս Աբգալի, Կղեմէս Գալանոս այս աշակերտի մասին. չենք կա- րող նոյնիսկ յստակեցնել թէ ինչ վախճան ունեցաւ: Անհնարին չենք համարում, որ Հաւատաստութեան ժողովը, հաշուի առնելով նրա անցեալը, յատկապէս բացասական տե- ղեկութիւնները, կրկին որպէս միսիոներ նրա առաջարկին ընդառաջ գնացած չլինէր եւ Տէր Յովհաննէսը անձնական միջոցնե- րով վերադարձած լինէր հայրենիք:

3. ԲԱԼԱՍԱՆ

Բալասանը կամ Պաղտասարը, ծնուել է Բոնդայում (Bondà), հօր անունը՝ Միքայէլ, մայրը՝ Թիկլան: Աշակերտել է Պոդոս Փիրո- մալի դոմինիկեան քարոզչին, Զաքարիա Աղամի եւ Ոսկան վարդապետի հետ: 1644 թ. Աղամի եւ Ոսկան վարդապետի կարմեղեան- ների մեծաւորը P. Dionigio della Coronas- pina-ն իտալերէնով յանձնարարական գրու- թիւն էր տուել իրեն 1644թ. յունիս 20-ով թուակիր, ուղղուած Հաւատաստութեան ժող- թուակիր, ուղղուած Հաւատաստութեան ժող- թուակիր, ստելով «ներկայ գրու- թիւնս ձեզ ներկայացնողը մի հայ երիտա- սարդ է, Պալէսան անունով, շատ բարի եւ ա-

ռաքինի... յատկապէս եռանդուն է կաթողի- կէ վարդապետութեան եւ հոռմէական եկե- ղեցու հանդէպ, որի համար նեղութիւն է կրել եւ հալածանքի ենթարկուել հերձուա- ծողներից»⁸²:

Նոյն Սպահանից օգոստինեանների մեծաւորն էլ, P. Giosef dal Rosario, 1644 թ. յունիսի 21-ի գրութեամբ, իսպաներէնով գրել է Հաւատաստութեան ժողովի քարտու- ղարին: Նամակի իտալերէն թարգմանու- թիւնը կատարուել է քարտուղարութեան կողմից, որից տեղեկանում ենք թէ Բալա- սանը աշակերտել է Փիրոմալլուն ու հալա- ծուել է կաթողիկոսի եւ հայոց գլխաւորնե- ռի կողմից, յատկապէս կաթողիկէ դառնա- լու եւ «Հայ հերձուածողներին հակառակ» կաթողիկէ հաւատքը պաշտպանելու: Հոռոմ է գալիս սովորելու, եւ լաւագոյն ձեւով կա- թողիկէ հաւատքը պաշտպանելու եւ այլոց կրթելու համար⁸³:

Բալասանը Սպահանից պէտք է անցած լինի Ապարաներ (Նախիջևան), ուր Պոդոս Փիրոմալլին 1644 թ. օգոստոսի 22-ին տուել է յանձնարարական գրութիւն ուղղուած Հաւատաստութեան քարտուղարին, գրելով... « Բալասան անունով նամակաբերս աշակերտ- ներիցս մեկն է, Զաքարիայի ու Ոսկանի ըն- կերներից, կաթողիկէ հաւատքը սովորել է թէ՛ Լեհաստանում եւ թէ՛ այստեղ Հայաս- տանում: Կաթողիկէ դառնալու պատճառով անգթօրէն հալածուեց թէ կաթողիկոսից եւ թէ իր ազգակիցներից: Սպահանում երկու անգամ գաւազանով խարազանուեց եւ մեկը՝ իմ եւ կաթողիկոսի ներկայութեամբ: Ցանկացաւ Հոռոմ մեկնել, գիտի լատիններէն, որ կարող է արագօրէն կատարելագործել, բառերը գիտէ, բայց անծանօթ է բառերի հո- լովումներին ու բայերի խոնարհումին: Մեր ճանապարհորդութեան ընթացքում չհասց- րեց սովորել: Յանձնում եմ Զեր խնամքին,

81 St' u SC Armeni, vol. 1, f. 293: 82 St' u SOCG, vol. 21, f. 204:

83 St' u SOCG, vol. 62, f. 188+191, իտալերէն համա- րոշումներով տե՛ս 189+190:

Վենետիկի առաքելական նուիրակը՝ «Պիզալի արքեպիսկոպոսը», տեղեկացնում է Հալատասփիլոսի նախագահ կարգինալ Carponi-ին, թէ Բալասանի ձեռք ստացել է իրեն ուղղուած նամակը եւ թէ կարելին պիտի անի օգնելու համար Բալասանին, որ նա ապահով հասնի իր հայրենիքը⁹⁹:

Որեւէ տեղեկութիւն առայժմ չունենք, թէ ինչպէս դասաւորուեց Բալասանի ճանապարհորդութեան հետագայ ընթացքը, սակայն 1653 թ. նրան կրկին անգամ գտնում ենք Հռոմում, հաւանաբար Լեհաստանից վերադարձած, ու ներկայանում է որպէս նախկին սան, խնդրելով դրամական օգնութիւն: 1653 թ. յունուար 13-ի Հալատասփիլոսի ժողովի նիստին առաջարկն ընդունուում է¹⁰⁰: Ապա դարձեալ խնդրագիր է ներկայացրել, առաջարկելով Լեհաստան գնալու ծրագիր, ուստի խնդրում է Գալանոսի Պատմութեան եռահատորեակը եւ Քերականութիւնից վեց օրինակ: Խնդրագիրը գրուած է Գալանոսի գրչով¹⁰¹: Այս խնդրագրի տակ քարտուղարը մակագրել է՝ «վերոյիշեալ գրքերը թող տան»:

Բալասանի Հռոմում նորից յայտնուելու նպատակի վրայ գուցէ որոշ լոյս է սփռում նրա այն խնդրագիրը, որ ներկայացրել է Հալատասփիլոսի ժողովին 1653 թ., առանց նշելու օրն ու ամիսը: Խնդրագրում ասուում է. «Հայ կաթողիկէ Բալասանը, որ մի քանի տարի աշակերտել է ս. Ժողովին եւ Հռոմում Գալանոսից հայերէնով սովորել է սրբազան գիտութիւնը, Լեհաստանում թաթարների ձեռքից ազատուելու գործում օգնած լինելով լեհերին, իրեն իբր վարձատրութիւն Լեհաստանում սահմանուել է մի քանի հազար սկուդ գումար: Բալասանը մտածում է այդ գումարի եկամուտով Կամենեցում հաստատել եպիսկոպոսական աթոռ հայոց համար, որոնք ստուարաթիւ են,

տեղի հերձուածող եպիսկոպոսի փոխարէն, որ մահացել էր: Նոր եպիսկոպոսը կարող է օգտակար լինել Նիկոլ Թորոսովիչին, որ հալատոյ դանութիւն էր տուել: Հիմա խնդրում է ձեր հաւանութիւնը գործը սկսելու համար»¹⁰²: Այս արձանագրութեան պատասխան կամ որեւէ արձագանք դիւանում չհանդիպեցինք եւ չենք էլ տարակուսում նոյնիսկ, որ Բալասանը ներկայ գրութեամբ ինքնիրեն էր առաջարկում այդ պատասխանատուութեան համար:

Ապա Բալասանը Հռոմից մեկնում է Լեհաստան: Հալատասփիլոսի ժողովի կողմից 1653 թ. մարտի 12-ին գրուում է մի յանձնարարական նամակ Լեհաստանի առաքելական նուիրակին ի նպաստ Բալասանի¹⁰³:

Երբ Հռոմում մտածուում էր լեհահայոց Նիկոլ արքեպիսկոպոս Թորոսովիչին մի օգնական եպիսկոպոս տրամադրելու մասին եւ հարցրել էին նաեւ Կղեմէս Գալանոսի կարծիքը, նա գրաւոր ներկայացրել էր իր տեսակէտը, որ յաջորդաբար զեկուցուել էր Հալատասփիլոսի ժողովի 1660 թ. սեպտեմբերի 6-ի նիստի ժամանակ¹⁰⁴: Որպէս յարմար թեկնածու Գալանոսի առաջարկած անձը Տէր Յովհաննէս Աբդալն էր, որն այդ պահին գտնուում էր Հալատում եւ կամ Տէր Զաքարիա Աղամը, որ Հռոմում պաշտօնավարում էր որպէս թարգման: Գալանոսը յարմար էր գտնում, որ Տէր Զաքարիան Լեհաստան տեղափոխուել, որտեղից իրեն հրաւիրել էր Բալասանը, առաջարկելով իրեն ընկերանալ Գանձասարի կաթողիկոսից եպիսկոպոսական ձեռնադրութիւնը ստանալու համար: Գալանոսը այս գրութեամբ դեռ այլ մանրամասնութիւններ էլ էր յայտնում, գրելով. «Տէր Զաքարիա Աղամն ինձ վստահեցնում է, որ 1648 թ. երբ Հռոմից մեկնեց, ս. Ժողովի աշակերտը, հայ ազ-

99 St'u SOCG, vol. 55, f. 57:
100 St'u Acta, vol. 22, f. 6, n. 15:
101 St'u SOCG, vol. 292, f. 422:
102 St'u SOCG, vol. 292, f. 423:
103 St'u Lettere volgari, vol. 29, f. 98:
104 St'u Acta, vol. 29, f. 235, n. 25:

նուական Բալասանը, նոյն ս. Ժողովի միջոցով նորին սրբութիւնից հրաման էր ստացել հայ ծէսով եպիսկոպոս ձեռնադրուելու որեւէ կաթողիկոսից: Սա չիրականացաւ, որովհետեւ յիշեալ Բալասանը չուզեց թողնել ազնուական կարգը»: Գալանոսն առաջարկում է, որ քննուել անցեալից մնացած դիւանը ու նման հրաման կրկնուել Տէր Յովհաննէս Աբդալնի եւ կամ Տէր Զաքարիա Աղամի համար¹⁰⁵:

1660 թուականի այս գրութիւնից յետոյ մենք այլեւս չունենք որեւէ տեղեկութիւն կամ ծանօթութիւն Բալասանի վերաբերեալ, մանաւանդ որ մեր ինքնակամ որոշմամբ երբեք չենք յանդգնել ձեռնարկու լինել լեհահայոց պատմութեան վերաբերեալ անասհման հարուստ եւ կարեւոր մանրամասնութիւններով լի փաստաթղթային ժառանգութեան ուսումնասիրմանը:

4-5. ՏԷՐ ԽԱՉԱՏՈՒՐ ԵՒ ՏԷՐ ԱԶԱՐԻԱ ԾԳՆԱԽՈՐՆԵՐ

Խաչատուրի մասին անցողակի խօսեցինք, երբ անդրադարձանք Գալանոսի Հռոմի մէջ 1600-1662 թթ. բացած Հայոց վարժարանին, ուր Խաչատուրը յայտնուեց իբր դունապան եւ սեղանագիր:

Խաչատուրը ծնուել էր Պոլսում, որտեղից անցել էր Հռոմ՝ 1659 թ. սեպտեմբեր-հոկտեմբեր ամիսներին ոմն Պողոս վարդապետի հետ: Հալատասփիլոսի ժողովի կարգինալները արձակուրդի մէջ լինելով, Խաչատուրը չէր կարողացել նիւթաւորել, որեւէ նպաստ ստանալ եւ ուղղուել էր Վենետիկ, օգնութեան համար դիմելու տեղի ազգակիցներին:

Հալատասփիլոսի ժողովի քարտուղար Alberici-ն, 1659 թ. նոյեմբերի 8-ին նամակով հետաքրքրուում է նրանով, անձամբ

գրելով Խաչատուրին, իսկ իր մասին տեղեկութիւններ ստանալու համար դիմում է Վենետիկի առաքելական նուիրակին: Վենետիկի առաքելական նուիրակը, նախ 1659 թ. նոյեմբերի 15-ին պատասխանում է, թէ իր մասին տեղեկութիւններ չունեն նոյնիսկ քաղաքի իր ազգակիցները¹⁰⁶, իսկ նոյեմբերի 22-ին տեղեկացնում է, որ գտել է Խաչատուրին եւ հաղորդել է Հալատասփիլոսի ժողովի կամքը, որ է՝ վերադառնալ Հռոմ. բայց երբ Հռոմից ստացել է նոյեմբերի 15-ի թուակիր նամակը, ուր պատուիրուում էր թողնել որ Խաչատուրը գնար իր նախընտրած քաղաքը, նուիրակը ջանացել է բացատրել Խաչատուրին Հալատասփիլոսի ժողովի կամքը: Սակայն յայտնում է իր տարակուսանքը Խաչատուրի հասկացած լինելու մասին. «Որովհետեւ, գրում է, չեմ կարծում որ մեծ իմաստութիւն ունի»¹⁰⁷:

Նուիրակի 1660 թ. յունուարի 3-ի նամակից տեղեկանում ենք, որ գաղտնի կերպով նշանակել է մի անձի, որ հետեւի Խաչատուրի բոլոր քայլերին եւ այն համոզման է եկել, որ Խաչատուրը համոզուած կաթողիկէ հօգի ունի, հաստատուն է իր հալատքի վրայ, չնայած ազգայինների կողմից նախատուելուն ու ծաղրի ենթարկուելուն: Նուիրակը Խաչատուրին տուել է չորս ու կէս ոսկի սկուդ, որպէսզի կարողանայ ապերլ ու ճանապարհորդել¹⁰⁸: Ի վերջոյ, Խաչատուրը, վերցնելով նուիրակի տուած 1659 թ. դեկտեմբերի 15-ով թուակիր յանձնարարական գրութիւնը¹⁰⁹ ուղղուում է դէպի Հռոմ:

Հալատասփիլոսի ժողովի 1660 թ. յունուարի 13-ի նիստին զեկուցուում են այս բոլոր անցուդարձը, երբ Խաչատուրը դեռ Վենետիկ-Հռոմ ճանապարհին էր: Որոշուում է գրել Վենետիկի առաքելական նուիրակին, որ ջանքեր գործադրի օգնելու Խաչատուրին վերադառնալու իր հայրենիքը¹¹⁰:

106 St'u SOCG, vol. 223, f. 38:
107 St'u SOCG, vol. 223, f. 50:
110 St'u Acta, vol. 29, f. 3, n. 2:

ըր փափազ է յայտնում իր Ազարիա ընկերոջ հետ Հռոմ անցնելու եւ թէ սպասում ենհրամանի, քանի պատրի Սրապիոնը իրենց համար գրել էր Հաւատաստիւնով ժողովին եւ պատասխանի էր սպասում: Այս նամակի տակ ստորագրում է նաեւ «էստատէս», այսինքն Ազարիան, իր կողմից աւելացնելով «այս տեղս հակառակ շատ կա[յ] մեզ, ամէն եկեղեցական անօթն կողոպտեցին մեզանէ, կու խնդրեմք բարձր վեհացդ, որ մեզ ձեռնտու լինիս վասն եկեղեցոյ անօթի կողմանէ, մանաւանդ սկոյ»¹²⁰:

Տարին չաւարտուած, այն է 1672 թ. նոյեմբերին Տէր Խաչատուրին եւ Ազարիային գտնում ենք Հռոմում: Հաւատաստիւնով ժողովի 1672 թ. դեկտեմբերի 19-ի նիստին քննուում են իրենց հետ բերած յանձնարարական նամակները, իրենց գրած 1672 թ. յունիսի 2-ի նամակը, ինչպէս նաեւ Հռոմում ի նպաստ իրենց Տէր Բարսեղ Բարսեղեանի վկայականը¹²¹, որոնց իբր եզրակացութիւն, հարցը յանձնուում է կարդինալ Fachinetti-ին խնդրելու յարմար ձեւով կարգադրելու համար¹²²:

Կարդինալ Fachinetti-ն դիմում է Spoleto-ի եպիսկոպոսին, որպէսզի երկու հայ ճգնաւորների համար գտնի որեւէ յարմար տեղ ճգնելու համար: 1672 թ. յունուարից յունիս ամիսները անցկացնում են Սպոլետոյում, բայց միջանկեալ, փետրուարին, Հռոմում Տէր Բարսեղը իրենց փոխարէն խնդրագիր է ներկայացնում զոյգ ճգնաւորներին դրամական նպաստ սահմանելու համար¹²³, ինչը մերժում է Հաւատաստիւնով ժողովի 1673 թ. փետրուարի 28-ի նիստում¹²⁴:

1673 թ. յուլիս ամսին վերադառնում են Հռոմ եւ Հաւատաստիւնով ժողովի 1673 թ. յուլիսի 24-ի նիստին ներկայացնում են

իրենց նոր խնդրագիրը, այն է՝ փոխադրուել Մալթա. ու խնդրում են յանձնարարական նամակներ ուղղուած Մալթայի մեծ դուքսին եւ հաւատաքննիչին: Փափագած նամակներն ստանալով ուղեւորուում են Մալթա¹²⁵:

Զոյգ ճգնաւորները շուրջ տարի ու կէս մնում են Մալթայում: 1674 թ. նոյեմբերին միայն Ազարիան է վերադառնում Հռոմ, իր հետ բերելով Մալթայի հաւատաքննիչի 1674 թ. սեպտեմբերի 8-ով թուագրուած վկայականը, որ ապահովեցնում էր թէ Ազարիան օրինակելի կեանք է վարել եւ որով արժանի է, որ ս. Ժողովը նրան պահի իր հովանու տակ¹²⁶: Ազարիան ցանկանում էր ստանալ քահանայական ձեռնադրութիւնը: Դրա համար ս. Ժողովին է ներկայացնում խնդրագիր, որի ներքեւում լատիներէնով վկայում է Տէր Բարսեղ Բարսեղեանը, թէ «ես իմ հերթին վկայում եմ թէ Ազարիան ջերմեռանդ եւ լաւ կաթողիկէ է եւ որով արժանի եմ համարում, որ ընդունի քահանայական ձեռնադրութիւնը»¹²⁷: Այս զոյգ վկայականների հիման վրայ, Հաւատաստիւնով ժողովը 1674 թ. նոյեմբերի 12-ի նիստին տալիս է ձեռնադրութեան հրամանը¹²⁸:

Քանի որ նոյն օրերին Հռոմում էր գտնուում լեհահայոց Նիկոլ Թորոսովիչ արքեպիսկոպոսը, շատ հաւանական ենք համարում, որ Ազարիայի սարկաւազութեան եւ քահանայական ձեռնադրութիւնը կատարուած լինէր վերջինիս կողմից:

1674 թ. դեկտեմբերի 18-ի Հաւատաստիւնով ժողովի նիստում զեկուցուում է Վարդան Յունանեանի բողոքը՝ Տէր Զաքարիա Աղամի դէմ, որ Հռոմում հայոց հոգեւոր հովիւն էր եւ օրինաւոր վարքով էէր ապրում: Յունանեանը տէր Զաքարիայի

120 Տե՛ս SOCG, vol. 446, f. 179:
 121 Տե՛ս SOCG, vol. 437, f. 15:
 122 Տե՛ս Acta, vol. 43, f. 28, n. 12:
 123 Տե՛ս SOCG, vol. 438, f. 316:
 124 Տե՛ս Acta, vol. 43, f. 28, n. 12:

125 Այս մանրամասնութիւնները գեկուցուած են ՀՄ-ի 1674 թ. փետրուարի 26-ի միստիս (տե՛ս Acta, vol. 44, f. 74, n. 36):
 126 Տե՛ս SOCG, vol. 450, f. 80:
 127 Տե՛ս SOCG, vol. 450, f. 79:
 128 Տե՛ս Acta, vol. 44, f. 303, n. 23:

փոխարէն առաջարկում է «նախկին ճգնաւոր Ազարիային, որ այժմ սարկաւազ է եւ մի քանի օրից քահանայ է ձեռնադրուելու»¹²⁹:

Ազարիան քահանայ պիտի ձեռնադրուած լինի 1674 թ. դեկտեմբերին: 1675 թ. մարտի 4-ին Ազարիան արէն ներկայանում է որպէս քահանայ, առանց պատարագելու իրաւունքի, որովհետեւ դեռ էէր ստացել համապատասխան վկայականները: Կրկին Բարսեղ Բարսեղեանն է, որ շարագրում է խնդրագիրը¹³⁰, ուր խնդրում է նաեւ մի շարք գրքեր՝ Գալանոսի Քերականութիւնն ու Պատմութեան երեք հատորները, Ձեռնբացութիւն յերկինս, Նորագոյն ծաղիկ, Յովհաննէս Հոլովի Քերականութիւնը (երեք օրինակ), Թովմա Գեմբացի եւ Յովհաննէս Մոլիւնոյի թուրքերէն-իտալերէն բառարանը¹³¹:

Տէր Ազարիայի խնդրանքը բաւարարուում է Հաւատաստիւնով ժողովի 1675 թ. մարտի 4-ի նիստի որոշմամբ¹³²:

Քանի որ Հռոմում մեր երկու ճգնաւոր քահանաները յանձնուած էին կարդինալ Tachetini-ի խնամքին, վերջինս 1675 թ. յունիսի 7-ին գրում է Հաւատաստիւնով ժողովի քարտուղար Չէրրիին «Հայ Ազարիա ճգնաւոր քահանան, որ ս. Ժողովի կողմից յանձնուել էր խնամքիս, նախկինում ինքն ու իր ընկերը տեղաւորեցի Monte Luco-յի ճգնարանը, հոգալով նրանց զգեստները եւ մանր ծախսերը: Ներկայ նամակս ինքն է որ պիտի բերի քեզ, եւ ես այլ խնդրանք չունեմ, բացի որ հայցել, որ [ս Ժողովի նախագահ] կարդինալ Ալթիերին ազդեցիկ մի նամակ

գրի, ս. Ժողովի անունից ուղղուած Մալթայի եպիսկոպոսին, որպէսզի սա երկու ճգնաւորներին տրամադրի օգոստինեան կրօնաւորների թողած եկեղեցին, որ կոչուում է *La Madonna della pieta*: Ձեզ կարող եմ վստահեցնել, որ դուք կը նպաստէք Տիրոջ երկու բարի ծառաների եւ չեմ կարծում որ որոշ ժամանակ Հայաստանից սրանց նմանը տեսնուած լինի: Անտարակոյս սրանք էէին թողնի *Monte Luco*-ն եթէ սաստիկ ցուրտը չվտանգէր իրենց կեանքը: Եւ որպէսզի չը տարակուսէք նրանց օգնելու, պէտք է ասել, որ նրանք գնահատուել են Մալթայի մեծ դուքսի կողմից եւ վայելել են նրա նիւթական օգնութիւնը»¹³³: 1675 թ. յունիսի 25-ի Հաւատաստիւնով նիստին զեկուցուում է այս նամակը եւ որոշուում է «թող գրուի յանձնարարական նամակը եպիսկոպոսին»¹³⁴:

Որոշուած օրը, այն է 1675 թ. յունիսի 25-ին նամակը ուղարկուում է, որի պատասխանը Մալթայի եպիսկոպոսը գրում է 1675 թ. նոյեմբերի 13-ին, տեղեկացնելով, որ «նամակը ստացած օրը կանչեցի *Chiesa della Pieta*-ի տեսչին, որպէսզի ընդունի երկու հայ ճգնաւորներին: Նա Պատասխանեց, որ ս. Աթոռից կայ յատուկ որոշում՝ չընդունել ոչ ոքի, մանաւանդ մեկ սենեակ կայ մնացած, այն էլ միայն իրեն համար, որ տեղից չի կարող դուրս ելնել»: Ապա եպիսկոպոսը շարունակում է, ասելով թէ Տէր Խաչատուրը եւ Տէր Ազարիան ներկայումս տեղաւորուած են *Misida* կոչուող եկեղե-

129 Տե՛ս Acta, vol. 44, f. 369, n. 11:
 130 Տե՛ս SC Armeni, vol. 2, f. 244:
 131 Տե՛ս Fondo di Vienna, vol. 32, f. 274; SOCG, vol. 452, f. 192: Յովհաննէս Անկիւրիացու (Մոլիւն) իտալերէն-թուրքերէն բառարանի, որպէս թուրքերէնի առաջին բառարանի գլխամասը հետաքրքրութիւնը մեծացել է: Դրա մասին է վկայում նաեւ բառարանի արդի գիտական հրատարակութիւնն ու ուսումնասիրութիւնը՝ տե՛ս Dictionary of Italian-Turkish Language (1641) by Giovanni Molino: Transcribed, Reversed, and Annotated.

Edited by Elżbieta Świącicka, De Gruyter, 2020 (Studien zur Sprache, Geschichte und Kultur der Turkvölker Book 23): Հմմտ նաեւ Elżbieta Świącicka, *Interpreter Yovhannes Ankiwraç'i also called Giovanni Molino*, - Folia Orientalia. Studia in Honorem Stanislai Stachowski Dicata, Vol. XXXVI, Krakow, 2000, 329-342.
 132 Տե՛ս Acta, vol. 45, f. 34, n. 2:
 133 Տե՛ս SOCG, vol. 454, f. 31:
 134 Տե՛ս Acta, vol. 45, f. 144-145, n. 10:

ցում, որ ամենայնպես է նրանց ճշմարտության համար, քանի որ հեռու է ծովեզերքից եւ նախորդ եկեղեցու նման բազմամարդ չէ: Նոյն նամակից տեղեկանում ենք, որ քաղաքի գործակալը հաւատացեալների տուած ողորմութիւններով մեր ճշմարտների համար շինել է յատուկ բնակարան եւ նրանք վայելում են եպիսկոպոսի բարեացկամութիւնը իրեն դիմելու դէպքում¹³⁵:

1679-1680 թթ. վախճանում է Մալթայի եպիսկոպոսը, որի յաջորդը դժուարանում է հրաման տալ Տէր Ազարիային պատարագելու, քանի որ չունէր քահանայական ձեռնադրութեան պահանջուած վկայականները: Տէր Ազարիան կրկին է յայտնուում Հռոմում եւ ներկայացնում իրենց իրավիճակը: Խնդրագիրը¹³⁶ ներկայացնում է Հաւատաստութեան 1680 թ. յունուարի 23-ի նիստին եւ որոշում է. «Թող տրուեն վկայականները»¹³⁷:

Տէր Ազարիան քահանայական ձեռնադրութեան վկայականը ստանալով տեսնում է, որ փաստաթղթում անունը գրուած է P. Azaria (Padre=Հայր) D. Azaria

(Don=Տէր), քանի որ ինքը կրօնաւոր չէր, այլ պարզ քահանայ: Ուստի ներկայացնում է նոր խնդրագիր, խնդրելով սրբազրել սխալները, միաժամանակ խնդրում է հրաման լատին ծէսով պատարագելու համար, բաւարարելու ժողովրդի պահանջները¹³⁸: Քանի որ այս հարցը ժողովին չի ներկայացուել, մեզ անյայտ է մնում նաեւ ինչպէս է այն կարգաւորուել:

Տէր Խաչատուրից այլեւս ոչինչ չի լսում, կարծես գործող անձը միայն տէր Ազարիան է, որի մասին մեր ունեցած վերջին փաստաթուղթը¹³⁹ ներկայացուել է Հաւատաստութեան 1682 թ. փետրուարի 17-ի նիստին, որ արձանագրութիւնը հաղորդում է. «Մարտիրոսի որդի Ազարիան, Հայ կաթողիկէ քահանան, որ ինք տարի է գտնուում է Մալթայում եւ կրում է արեւելիցիների հովուական հոգսը, պատարագի համար բաւարար ողորմութիւն չգտնելով, խնդրում է նպաստ»: Պատասխանը լինում է «ընթերցուած», այսինքն ոչինչ չի որոշուած այս նիստում¹⁴⁰:

135 Տե՛ս SC Armeni, vol. 2, f. 421:
136 Տե՛ս SOCG, vol. 477, f. 211:
137 Տե՛ս Acta, vol. 50, f. 34, n. 22:

138 Տե՛ս SC Armeni, vol. 5, f. 654:
139 Տե՛ս SOCG, vol. 483, f. 207:
140 Տե՛ս Acta, vol. 52, f. 42, n. 3:

ՅԱԻԵԼՈՒԱԾ

Խաչատուր եւ Ազարիա ճգնաւորները Հաւատաստիտի ժողովին (1672 թ. յունիսի 2)¹⁴¹

Գեր քան վեր փառօք փառաւորեալ տեառն.

Ազնուազարմ եւ մեծագոյն եւ խորհրդահանճար պերճապատիւ եւ պայտազարմն, յոգնատենչ եւ նազաբանեալ ճշմարտագոյնի հարազատի երիցս երանեալ եւ սրբազանի գերամաքուր եւ հմտաբանեալ եւ լուսատու արեգականն եւ դու նմանեալ. ծագող ի վերա[յ] երկրի եւ ճառագաթեալ, հոգւով լուսատու քան լուսին վառեալ, հոգիդ լուսաթուիչ, մարմինդ շողկապեալ ի բնութիւնս սրբոց եւ դուն մակադրեալ ի սէրն Աստուծոյ քիչ պարունակեալ, ի վեցթեւեան քերթէից եւ դուն նմանեալ քանց ականակապ թագիս դուն կազմեալ քանց մարգարտաշար զաստեղք զարդարեալ. հոգին սուրբ Աստուած ի քեզ բնակեալ կատերանելի մէջ որ տեղդ եւ բնակեալ հոգեւորդ մերոյ ի քեզ եմ յանձնեալ:

Ով սուրբ ժողովարան ամենայն հաւատացեալ քրիստոնէից. երկրպագութիւն մատուցանեմք աստուածարեալ սուրբ աշոյղ եւ երկնաշու գարշապարիդ քո. մեք հնազանդ հող եւ մոխիր ի տրուփ եւ տարածամեալ ի հեռուստ եւ անծանօթ ծառա[յ]է քումմէ թիփլիզցի Տէր Խաչատուր քահանէ եւ էստատէ եւ եմք հնազանդ կաթողիկէ սուրբ եկեղեցւոյն եւ գլխաւոր սուրբ առաքելոցն Պետրոսի եւ Պողոսի եւ փոխանորդի վիմին մեծի փափին Հռովմա[յ] եւս պազանել երկիր մատուցի: Եւ ընդ ողջոյնական քարտիզիս գիտութիւն լիցի, եւ ես ուղ[ղ]ափառ եւ կաթողիկ տէր Խաչատուր քահանայս կամք ունէի գալոյ առ սուրբ ուխտը երկրպագութիւն եւ փափակս մեր լցուցանելոյ եւ ոչ կարայաք գալ:

Ծանուցում լիցի հրամանոցդ որքան ժամանակ է, որ մեք մոլորեալ էինք եւ ոչ եւս գիտէաք ճշմարտութեան ճանապարհն եւ ձեր սուրբ աղօթկն եկն առ մեզ եհաս եւ ճմլեաց սիրտք մեր եւ խնդրեմք ի Տեառնէ մերոյ Յիսուսէ Քրիստոսէ որ առքայութեան արժանի արասցէ պատրի Սրապիօ-

նին, որ մեզ ճշմարտութեան ճանապարհն ցոյց ետոյր եւ մեք հաւանեցաք որքան որ կենդանի ենք մեք եւ շունչ կա[յ] ի բերանս մեր բոլոր սրտի, միամիտ մտիւք, բոլորովին հոգով պարսմիտ արարողութեան բովանդակ բանիւ եւ գործով հնազանդիմք Ռոմանիա կաթողիկէ սուրբ եկեղեցւոյն եւ անօթ ընտրեալ գլխաւոր սրբոյն Պետրոսի եւ Պողոսի եւ փոխանորդ նորա սուրբ պապին եւ ընթ[հ]անուր ամենայն հաստատեալ սուրբ ժողովոյն նորա ճշմարիտ որ նա է փակողն եւ կապողն եւ արձակողն ամենայն քրիստոնէից. նա է վէմ հաւատոյ, ըստ աւետարանին որպէս փրկիչն ամենայնի տէրն մեր Յիսուս Քրիստոս կու հրամա[յ]է ի սուրբ աւետարանին եթէ դու ես վէմ հաւատոյ եւ ի այդր վիմի շինեցից եկեղեցին իմ եւ որ արձակիս երկրի եղիցի արձակեալ երկինս եւ որ կապեսցիս երկրի կապեալ եղիցի երկրի. խոստովանիմք եւ հաւատամք ամենայն բոլոր սրտի որ դա է մայր ամենայն եկեղեցւոյ. ողորմած է եւ գթած:

Դարձեալ խոստովանիմք հնազանդիմք զոր ինչ հաստատեալ է եւ կարգեալ է. հնազանդիմ յօժար կամօք եւ լիակատար սրտի որչափ որ կարողութիւն ունիմք ուսուցանիմք եւ խրատիմք միամիտ ժողովորդ մեր դարձուցանիմք ի մոլորութենէ ի ճշմարտութիւն, ի յանգիտութենէ ի գիտութիւն. դարձեալ այսպէս կամք յօժար ժողովրդեանն յուսուցանելով եւ քարոզելով շուրջ եմք գալիս որ աւելցի Ռոմանիա սուրբ եկեղեցւոյ հաւատն որն է ճշմարիտ եւ ուղղափառ եւ ընտրեալ ի մէջ քրիստոնէից. դարձեալ ծանիր այսպէս քարոզութեամբ շուրջ գու քա[յ]ինք շարն սատանա պատերազմեաց ի վերայ մեր բան շար լուր եղեւ համբան մեր ի վերայ երկրի եւ ի վերայ հաիոյ ազգին մեր եւ ամենայն Վրաստանս եւ ի մէջ վարդապետաց եւ ի մէջ քահանայ[յ]ից, մինչեւ եհաս առ հաիոց կաթողիկոսն եւ բազում գրով մինչ աղաչեցին եւ մեք ոչ արարինք դաիլ նոցունց խոսացն այլ եւս մեր ուղ[ղ]ափառութեան բանն խօսեցանք

141 Բնագիրը տե՛ս SOCG, vol. 446, f. 179: Լիովին պահպանում ենք փաստաթղթի ուղղագրութիւնը եւ տեքստի ճարտարագրութիւնը: